

道光遵義府志

遵義府志卷三十六

列傳六 流寓 方伎

流寓

唐

李白 字太白蜀人因永王璘事流夜郎今桐梓

縣有太白故宅 通志

按太白香山俱未至遵義遵之白田聽鶯桐之白亭故宅綏之白氏廟皆相沿附會於古無稽已於古跡逐條證明茲仍從舊志流寓出之

白居易 字樂天號香山居士以王叔文黨貶播州

司戶緩陽志

按唐書白居易傳絕無貶播州事且香山亦非叔  
文黨緩陽志因子厚貶播影響牽合荒謬爲甚茲  
特駁正不煩刪削

明

鄒公啟 江津人博學知天文元末與趙天澤劉伯  
溫友善每觀天象三人共長歎及伯溫佐命公啟南  
歸易名公瑾居真州號保全居士晚號知命翁有保  
全知命二集附志

陳潮 四川人嘉靖間官雲南金湘道政治有聲

致仕歸途經柘州樂八岳灘山水之秀遂家焉以隆

慶二年卒

家譜

馬

德

字叔明

鳳翔人萬厯間舉人任雲南河陽

知縣有惠政值播平解組無力還里遂家綏陽教授

生徒絕意仕進

綏陽志

或勸之仕乃題其門曰渭水再

來羞志士

五湖歸去

笑英雄

通志

聶純昌

富順人毀家募義勇禦賊戰死

明史董盡倫傳

天啟辛酉舉人是歲奢酋叛犯城純昌集鄉勇數百人

拒賊東津殺賊甚眾後敗刃被執不屈死

四川舊志

按遵義縣南九十里高溪水黃姓宅內有明崇禎

十二年所立聶氏族譜碑云神宗殲厥渠酋於是  
我祖瓘攜吾父汝冬伯汝夏叔汝季自富順來茲  
既而生汝甫汝軒傳四五世矣遼陽之變吾父兄  
奉旨督兵援之水藺之變吾父兄聚義兵扶之沒  
於王事者吾父汝冬吾兄榮昌齡昌是也聖恩雖  
授都參遊守者數人當事者恐未知吾族人友愛  
苦心今仰賴聖天子威靈稍得安枕云云後題紹  
昌丁未進士純昌辛酉舉人姪一心庚午舉人格  
心癸酉舉人據記文當是奢氏甫平後汝冬子所  
撰紹昌純昌必汝冬子姪但勒記時純昌已死難

不竝數之何也或僅及其親父兄耶聶瓘及汝冬  
榮昌兄弟忘身死事當書勲名史志竝無可考雖  
皆遵義寓公死難事略不能得至一心格心已成  
播人四川選舉志稱富順人從其籍也一心官至  
山西汾陽道惟無事可紀故竝於此著之今其子  
孫散居小虎場等處故宅爲黃氏所居

陳震祥涪州人應綏陽令詹淑聘闕縣治修城垣  
一時文計皆出其手淑爲墾附郭田百畝不受家邑  
之達摩溪自號空谷居士

錢邦芭字開少丹徒人巡按四川甲申變後避居

綏陽之分水壩

並綏陽志

王叔林

大足人博學能詩文風度光霽於甲申後

避亂來綏居仙人山下開館授徒扶進後學綏邑諸

生多出其門年七十卒

陳志

辜鳳翼

仁壽人進士巡按貴州孫可望據黔迺以

僞職不就

隱於綏陽之達摩溪

綏陽志

梁應奇

字平叔樂山人崇禎戊辰進士爲江南宣

城令遭時亂棄官逃避牂柯隱居終老

四川舊志

按禹門寺永曆八年甲午季春應奇爲丈雪撰寺

碑末云余因視師三川便道游覽盤桓嘯傲識師

按郡南掌台山之堂子寺卽啟相隱名處墓在寺

後尚存據今寺所存神主稱傳臨濟正宗第三十

三代上

聖下符

老和尚知出家後名聖符大友其

號也諸集又自稱掌山老人據寺中一殘碑稱枚

庵則富順志及通志作放庵竝不如紀事之確考

四川選舉題名竝無啟相紀事獨云進士傳聞誤

也其年壽當以兆牲書爲得其真紀事亦誤至其

寓遵據兆牲書明亡卽爲僧至康熙元年始至遵

義是其實錄紀事謂解組還里適亂入遵從釋非

也子名世字又尙歲貢能傳家學時著才名平水



集今未見傳本惟法語及文集數冊有抄本存未  
及全集十分之一此外當更有藏者啟相在明末  
實一大作家逃名遵義時談亮羅兆牲諸子竝從  
之遊得詩文傳授人才之開當知所始故詳著之

周仕宏

渝人避亂入播孝友性成事母盡甘旨撫

弟敦手足

歿無歸貲饑寒有市隱之風

陳志

羅冕

字以儉江西人經史淹通道學精貫考准

鄴都選貢甲申之變避地入遵甘老林泉不求聞達

別號大羅居士

陳志教授白田號枳江逸者眉宇不羣

鬚髯異眾溫文儒雅有大儒風度終歲不履城市及

門者多有詩集善草書

遷居紀事

羅以忠湖廣黃岡人由明進士任北直永平知府

從永曆王至黔鼎革時隱遵義南鄉之龍坪子四

郡遷

紀事

談亮字晉若四川富順人明亡避張獻宗之亂

走遵義寓平水里間館於永寧貴筑間僞永曆戊子

准鄉貢進士嗣授義寧知縣任三月調浦貴州麻哈

州知州陳啟相妻以女永曆亡亮隨啟相隱掌台寺

康熙癸亥乃落髮爲僧裝時已六十一歲著有詩文

集數十卷燬於火子遠歲貢迪字人哲舉人開元字

統庵繼啟相壻荆襄道張某述字子七歲貢達字賜

也歲貢官南充縣訓導

談宣家  
訓敘

郭之翰字羽生四川富順人遷居遵義永曆時官

貴州獨山州知州工詩畫善草隸所存片紙隻字得

者珍之

詩錄

陳彌高江西瑞州人明末由進士官雲南金湘道

甲申之亂棄官入播隱沙溪里楓香壩後隱西坪之

碑底吟詠自遣頗形厲激著有西山樵史詩集行世

後世繁衍進士在元卽其後

心齋  
隨筆

程鳳字竹廷官雲南京相道子生發生榮生瑞

孫子矜即墓在城北五里墳田碑

按陳潮陳彌高程鳳竝明人彌高與鳳皆同在明末據諸家子孫言竝是雲南金湘道何以適同如此今按三京相道惟鳳之子所建墓碑確然可據潮與彌高當是其子孫得之傳聞遂信實然不知陳程姓異也

劉之文江陽籍因避亂來遵精研周易太極諸書工書法隱居東里課農桑量晴雨樂善好施租欠有不能償者輒焚其券鄉人德之志通

武平孝字純懿其先興周佐明太祖有功授山西

靈石世職後自靈石徙蒲坂父班清禱於武當生平  
孝少時善騎射崇禎辛未年十三以流賊陷蒲遂從  
軍後稍領軍爲將帥歲丁亥何騰蛟堵允錫督師平  
孝倡謀於眾爲歸命計事聞授都督佩武宗將軍印  
隸寧國侯駐師秭歸時兵燹之餘餼糧無出凡屯其  
地者食盡則遷居民苦之平孝與寧國計曰師徒日  
易一地伊於胡底且此瘡痍之眾誠撫而綏之未始  
不可爲久安計也卽下令禁暴掠招流亡廣屯田民  
因以獲保室家者九年後調誼貴州分鎮湄龍仍以  
將軍總軍事戊戌

大師定滇黔同寧國來歸授寧國湄潭鎮總兵平孝副將  
領鎮標中營康熙三年平定水西改爲黔西郡設鎮  
守官改平孝以都督僉事領黔西鎮左營旋比喇畢  
節告警圍城幾陷平孝斬獲功多遂兼署本鎮中軍  
十年水西餘孽復作總制甘文焜遣平孝翼大定總  
戎劉○征扯處烏不踰月渠魁授首明年本鎮都  
督王○赴滇援時平孝方卧病聞命偕往卽起曰  
旣食君祿今日之身非所惜也力疾就道至中途遂  
旋師數月卒於官年五十四平孝性孝友甘儉素雅  
好讀書戎馬倥傯間必延師訓子人多以爲迂平孝

弗顧也疾革知無歸櫬費命其子就近卜塋乃葬之

遵義五龍溪子孫遂家焉

王命來撰傳略

姚永先字紹虞四川資州人幼岐嶷長好學日誦

數千言獻逆躡川避兵遵義有老人善風鑑私謂曰君虎頭燕頰當立功行間無自誤於是奮然仗劍起部勒鄉人殺賊賊披靡

王師廓清川北永先遂歸安靖大將軍授副將劄以功署守備管營中事康熙十九年從大將軍攻辰州獨率敢死士躍濠上克其城沅州等處皆不戰而下授守備是冬復從大將軍周攻倉平鎮過油榨關竝克偏

橋興隆二衛貴州悉平二十年春進取營三座新興  
普安悉復直抵雲南時賊將要我師於京蟄河口永  
先揮騎大敗之因卽安撫流民亡何迤東僞將夏國  
相等作亂會總兵李國柱往擊大破之迤東平旋師  
圍雲南省城僞周隘地盡破逆渠自刎雲南平赴部  
改補留京十年會楚兵變永先往渠魁已禽而弄兵  
者尚在肘腋示以威信反側悉安論者謂有儒將風  
康熙庚辰以老告歸授榮祿大夫卒年八十四川通志  
閔相 程生雲撰墓表字弼亭資中人倜儻多才  
略耿介忠義君子也所與交遊者率稱閔友云年四



十八卒卒前一日語其妻譚曰我卒當葬於大覺寺之右題曰開山功德主資中某之墓譚遵命越年其友齊惠存及寺僧雲宣謂余與莫逆當表其生平余諾諾宿於雲宣榻追思舊時與余登山臨流飲酒樂事杳不可卽更欲攜一壺挈一榼以博弼亭一笑亦無由矣今乃與表其墓豈非予之大幸哉惜也其世族余不得而考也但言余所知者弼亭自庚子年隨吳大將軍入遵彼時敝屣功名志已矯矯不羣厥後醉翁之意只在山水之間遂創建茲山指宰補坡爲終焉所持籌握算未有若此之審者矣視世之惘惘

者其相去爲何如耶謹爲之銘曰非涅槃非舍利胡  
爲乎居此地有因緣大佛事山之麓水之裔鐘磬鳴  
花木麗佛聖神齊來至此元宮亦不替

楊一誠 獨山州貢生少卓犖有文譽屢不合於有

司遂絕意進取終日讀書自娛學益邃子鳳臺官遵  
義府教授迎養署中諸生請業者鳳臺必令就父質  
一誠不喜坐暇卽蹲几榻上抱膝誦所記書當其得  
意不知客至諸生進問卽疊疊指說莫不各得其意  
以去成就甚眾

公舉事實

方伎

唐

趙練士 今綏陽趙里人幼有仙稟讀書綦江之趕水距家二百餘里朝往暮歸有石重千斤能挾之而行歿後屢著靈異明初贈播南顯化三撫相公土人立祠祀之祠前遺石猶存

綏陽志

元

陳致虛 號觀吾一號紫霄上陽子嘗從緣督真人趙友卿授金丹妙道遍遊夜郎至思唐與宣慰弟至陽子田琦鍊丹於萬聖山巖室中後皆仙去

通志

按致虛撰參同契分章註三卷題名稱廬陵上陽子知致虛廬陵人也又著金丹大要十卷門人歐陽元璫於至元乙亥撰序刊行又門人明天琮序云乙亥夏五遇我師紫霄絳宮上陽真人於方壺天中淪茗焚香共談丹道則致虛爲元人無疑通志編爲唐人誤

李

珏

明統志

珏蜀人隱青城山爲道士後仙去

唐明皇時封應佑保慈先生陳志字雙玉不詳何許人修黃老金丹之術過零壇先期有夢其至者時久旱物色得之畱禱雨卽應後至真州玉虛庵以道授

張紫霞羽化去後紫霞再見於青城山

按陳致虛金丹大要序仙派源流邱處機以至道授黃房公宋有道有道授太虛李真人李名珏字雙玉蜀崇慶州人既得黃房公金丹之道改名棲真號太虛卽往邵武之武夷潛修金丹七月道將成乃回道經龍虎山先夕零壇有夢真人至者時久旱禱弗應次日真人果至眾皆弗知惟夢者見一貧道人來曰是此人也眾請祈雨應時霑沛而去至真州玉虛庵結環而坐後出以道授張紫瓊入青城山莫知所終紫瓊姓張名模字君範饒州

德興人後聞道改名道心初太虛偶寓安仁熙春宮紫瓊求授金丹太虛弗與繼適市因見施丐錢三十文乃曰可授已遂以金丹之道付之次年復會真州始全火候紫瓊後以授緣督子趙友欽友欽授上陽子當處機於元太祖召見時房公十八人輔行珏又房公弟子其爲元人無疑通志陳志竝以爲明人已誤而明統志至以爲唐人且明皇已加封號蓋無稽矣

涵蟾子 不知名姓及何許人鄒志學紫霞山記稱山去播南三十里乃涵蟾子煉丹之地考明嘉靖間

周恭王睦樞校刊金丹正理大全其中彭曉參同通  
真義陳顯微參同解陳致虛參同分章註翁葆光戴  
起宗悟真註疏葆光悟真直指詳說諸種竝題紫霞  
山人涵蟾子編輯知涵蟾必在致虛之後顛仙之前  
前志失載今補

明

張三丰 遼東懿州人名全一名君寶以其不飾邊  
幅又號張邈邈頤而偉龜形鶴背大耳圓目鬚髯如  
戟寒暑惟一衲一蓑所啖升斗輒盡或數月不食游  
處無恆後居寶雞之金臺觀一日自言當死共棺殮

之及葬聞棺內有聲啟視則復活乃遊四川見蜀獻王蹤跡益奇幻天順五年賜誥贈為通微顯化真人

明史本傳

按綏陽志羊城人永樂初寓長礮寺修雲天道院以居為楊宣慰使人偵之不知所在或曰建文帝托名三丰永樂踪跡之遁去又陳志謂明永樂間住桃源洞題詩數首字若龍蛇鑄洞中石上蓋誤以顛仙題壁為三丰後此如通志竝沿其誤

張顛仙 名道凝生有異質遇異人授洞天法律能

役使鬼神居紫霞石室論三教一原之理內則凝神



定性以合大道之虛外則明教演法以祛流俗之妄

後莫知所終紫霞山有楊廷和碑記志通

按陳志書顛仙姓作楊云古夜郎侯裔一元道人

子一名洞清字全之顛仙其自號又號神霄散吏

累感高真授內外二丹之旨後從白飛霞遊傳神

霄心印餘同通志考紫霞山碑鄒志學撰楊廷和

乃篆額通志誤又考顛仙疑卽楊斌說在金石門

孤舟 萬曆初至真安碓溪寺面壁數年一日謂

主僧曰明日予逝矣寺外二樹將折一折有聲卽長

老一折無聲卽予也次日二樹果折念偈曰勘破無

無世界了然何物心頭自性已歸圓寂清風明月自

由端坐而逝

陳志

錫

牌

不知何許人自金陵來嘗挂一牌號錫牌

和尚萬曆九年至正安禿覺寺不言不卧一日別眾  
曰去矣定後幸置我石巖中數十年後又當再會區  
區塵世豈無了期言訖遂寂後數日視之如生眾依  
置石巖中以土石塞其口

陳志

魯一冲

住仙源洞修真楊應龍播逆修醮於海龍

圃以利劍鐔逼令道士手緊握而不斷者爲有道行  
乃不殺冲聞而往握之鋒悉捲遂延爲法師尋遁去

後渝州江中有棕纜成妖時掀波翻浪爲患一冲以

法收貯長安寺中

蔡江志

廣惠 合州人不傳姓名天啟間寓綏陽之祖師

觀以符水丸藥濟人咸稱廣惠真人或五六日不食  
或一食數斗與人戲常於手中作霹靂聲邑令以其  
妖妄將繫之謂其徒曰吾將逝矣遂卒邑人葬之馬  
鞍山後有丐者名可可言廣惠是其師必不死人咸  
異之發棺僅存衣冠可亦隨遁去不知所往

綏陽志

三修 吳人自言三世爲僧因名三修住綏陽城

西川主廟天啟六年十月一日坐化有自成都回者

於十月二日遇於簡州三修寄語諸護法云我西去矣其冢猶存廟後

何道者 不知何許人明末棲綏陽之何家山冬夏常衣一葛往來城市能作十里霧病者求療書一好字於病者手中卽愈遇貧者於途隨拾地上石與之輒化爲白鏹甲申之後不知所往

九峰 綏陽人得臨濟正傳住何家山五十載不知姓名以修養爲事忽一日端坐而逝

竝同上

張仙 桐梓人初爲道士得修煉術結廬山中運精伏氣數十年踪跡往來鮮有見者值流寇將至忽

歸攜其妻入葫蘆洞久不出人疑爲尸解近有苕火  
至洞深內見男女足跡印沙磧間今日踏平明日復

有相傳爲張仙夫婦云

陳志

文和道人不知何許人遊至桐梓精堪輿說常見  
負一神像曾於鼎山寺題迴文詩云閒雲野鳥宿村  
煙唳鶴驚眠不似眠參細細功禪密密坐深深地露  
涓涓三更五會空拋像半夜初鐘火出蓮關外不行  
修佛事南巖寄興寫詩篇後不知所往

魁巖僧明末桐梓人有戒行死時囑人積柴於地  
往坐柴上命舉火火及心誦經聲始輟今其棺懸魁

巖洞中死之曰鄉人在界牌遇之告往峩眉去

界啟桐梓人卽任奇仕至將軍以母病目告歸

養舐日復明因出家邑之明月寺

採新

程光祚字柏亭道號元一重慶江津人幼穎悟通

經史一日遊峩眉山遇異授以五雷秘訣明末之

亂避兵來遵時僞國公王多行慘殺夜夢一道人

龐眉鶴望揖祥而言曰上帝好生何多殺爲公如不

悛禍不旋踵祥驚悟次日微行至郡東橋遇光祚適

如夢中所見遂敬禮之後官斯土者每值亢旱卽

延祚禱祈無不立應年八十四行步如飛或一月不

食晏如也一日作歌端坐而逝通志

國朝

丈雪 名通醉內江李子父避荒桐梓蘆溪里

夢一僧荷蒲團來借宿以年兩歲卽好趺坐逢僧輒合掌五歲捨入寺僧天祥授以經史後從可尊聽講法華於惟此一事實餘二則非真兩句甚致疑從禪友澹竹印如靈筏究參益不悟因走白雲洞參隨和尚白巖洞參了凡後至梁山懸萬峯山參破山大悟厥旨一日隨破山過白兔觀瀑布破山書一偈畫斷蒼崖倒碧岑紛紛珠玉誰傾擬將袋鉢橫攔住

只恐蟠龍丈雪冰與之更爲號丈雪將走天童山禮  
密雲入別破山伸一腳丈雪取其鞵著之便出買舟  
徑至天童一日密自打普請梆椎急聲厲丈雪忽契  
香巖擊竹之旨入方丈一拜拂袖出密逐出亂棒之  
復入呈一偈密袖之再伸手取丈雪曰將謂別有耶  
密掌之丈雪拜密復當頭一踏遂歸蜀值明亡住昭  
覺寺丈雪順治四年由銅梁至遵義開禹門禪院集  
四方禪子盛講別傳十七年復歸昭覺寺禹門碑門徒甚  
盛年八十餘示寂四川志有錄行世

如崑號石巖江陵雷子明未諸生甲申之變



遊地黔中過湄潭前明進士胡顯建庵居之往來遵義與丈雪諸人共參禪悅順治丙申示寂其徒一庵

葬之綏陽五涯寺

一庵語錄

月堃名徹字又號一庵江陵世家子棄俗參禪

初師如崑後從丈雪講法於昭覺辭歸過綏陽舉人

萬人英於黑澤小建青蓮禪社畱之後陳明經招至

金山寺終於五涯禪院能詩著有一庵集一庵語錄

集本

風度朗然透悟宗旨

陳志

雲白明季太守姓陳亡其名棄官至仁懷之鹿

鳴山結茅而居自號雲白和尚年九十餘說偈坐化

里人有自渝歸者途遇之告曰爲致意鄉人歸詢之

已死月餘

新撰

兩生名真從蜀永川人前世本行僧鄰家有丁

姓者一日坐堂中見真從至直入跡之不見適長子

生一子旋報僧真從寂滅遂名子爲兩生寺有櫃牢

鎖失鑰兩生四歲入寺於壁隙取鑰開之後讀書類

悟絕倫父命應試逃出爲僧居原刹名真從仍前世

也爲蜀講經師師破山續臨濟派後於遵義建松邱

禪院一日上坐索筆書偈曰八九功完語不空傳虛

空粉碎優鉢花鮮遂端坐而逝

陳志

接遵郡紀事永川縣有僧無名每食腐先於盤拈一粒念佛一聲始食眾因名豆佛有休致者乏嗣供之年餘妻臨產見豆佛入室隨產一子移時報豆佛示寂子在襁褓不食葷腥就學聰穎喜釋蜀亂入遵已祝髮矣名真從字兩生始棲毛衙寺著楞嚴經解心經解人稱講經師後歸蜀遊雙桂堂從破山參法復來遵開西來禪院有和歸去來詞字師文徵明文法歐蘇年八十終其言與陳志互有詳略非異也今西來寺柏樹十萬株乃兩生按大乘經字數手植見雍正元年知縣顧開陸嚴禁

伐柏告示

語嵩 遵義縣人初落髮城東尖峯寺後棲玉屏  
山建慈雲寺以居此山荒僻多蛇虎語嵩往來遇之  
了無害

天 語 名懷 四川樂至縣戴氏子順治初自普

州來遵義棲禪白牛山關圓祐堂與敏樹丈雪爲友

著有詩集語錄遵義詩鈔其徒桂鉉亦善詩

禪 一 棲遵義城東古令寺有戒行化去後有鄉

人遇於中路問何往答以往陳氏比到寺僧已死進

士陳鈞卽以化時生益新採

半月四川鄰水張氏子師丈雪康熙已酉來遵

義講法禹門禪院有半月語錄語錄

大冶四川富順人受法塾江龍蟠寺敏樹敏樹

受法於破山順治間初住遵義蓮峯禪院繼住西山

虎邱草堂與丈雪輩講禪學丈雪常以宗門獅象推

之或曰大冶與大錯錢邦芑大友陳啟相竝前明遺

老云塔今在虎邱寺後遵義詩鈔著有大冶語錄言如牆

壁默若雷霆山立風飛無禪和氣無如來氣無祖師

氣淵源自合迥異學人鐵脊道人撰語錄序詩有大冶方外集

陳啟相序云山水可琴鬥蛇可書泝泝洗可封而詩

可禪髮可僧也非種種錯亂顛倒解直未許偶見人  
夢著我觀今人無弗詩者類以詩爲詩囿四聲八病  
分寸不敢少踰一片靈光打入畏縮苦趣詩殆可讐  
乎曷效爲意詩當不如是私蓄此見有年苦無從質  
正一日走馬虎邱謁冶公儼然負奚囊覓句情狀促  
坐宵分一語一粲竟不及余以詩余退後治過我於  
風雪中又儼然灞陵驢背意緒復連榻通宵而返終  
不及詩其以我爲不知詩者其以我爲以詩爲詩者  
今年冬會余將束裝言別始不惜方外集手侍者相  
示空靈簡遠字字消三日坐卧世乃有此詩詩始詩

矣總之以全力分現如大海水不漏一滴非從詩入  
特從詩出使余向來積想一朝而豁乃知天地有一  
種自然元音畱在蒲團坐上豈落雕蟲伎倆不但難  
作者竝難讀者詩問治公詩信可以禪矣余髮云何  
時丁酉孟冬也

嵩目 名宗泐郡人幼不識字從行伍以勇敢聞

忽擲戈棄家投剃爲僧師語嵩面壁十餘年一日頓

悟博通經典有語錄詩卷行世陳志唐廉九龍寺碑嵩

目初棲九龍遷寺於山下後適黔繼之者爲竹野

紫石 不知何許人康熙三年杖錫於郡北門之

淨土庵住數載每持一鉢丐飯若紫石然因號紫石  
一日入居士家坐中堂說偈曰三十六年作客清風  
無枝無葉了了分明歸去一任東西南北端然而逝  
郡人異之鑄其偈於北關外之石巖陳志遵郡紀事紫  
石不知何來不挂錫不投舍晝夜響板鳴聲不歇只  
稱念佛二字隨意趺坐街頭不向人間乞食城市喫  
齋者奇之議輪供食近三載倏辭眾云明旦作別至  
次日送之說偈三十六年來作客云云又一偈曰踏破  
毘盧界揭開選佛場聖凡同一路撒手到家鄉遂逝  
眾火葬之有人遇之三坡寄聲致謝眾姓



休休名福周字了幻又字師巖號休休老人綏陽周氏子少薙髮能詩善畫山水雲遊楚蜀間晚結茅綏陽之西山絕頂榜曰青雲時山陽李鑑江西章元科先後宰綏陽與作方外交自造塔成人其中跌坐而逝其畫相傳能辟災前城中火有田姓藏一墨鶴火獨不及烟熾中人見田屋上有鶴翔舞若衛之然又傳陳中榮之父素與善一日夢休休來入內室往視已死矣競言中榮爲後身云塔今在西山遊義詩鈔陳志了幻杖鉢名山遍參禪教四十年而歸闡揚佛旨遠近宗之

寂相 瞿塘人棲綏陽天竺寺年九十坐化月餘

顏色如生

綏陽志

藏天 名明宣兩生弟子綏陽人初住綏陽三句

庵後繼其師居松邱寺解禪義喜爲詩著有藏天語

錄遵義詩鈔其徒明澄康熙間走京師請藏經齋經疏律

論共六百七十六函歸置松邱今竝存新採

實行 康熙五十三年至桐梓遇人手足傷及瘡

腫以手按摩立瘥問何術曰無仗佛力耳童謠云鼎

山太子去實行活佛來後坐化數日乃覺跏趺如生

慙慙 不知何來踪跡詭穢棲郡城北純陽閣閣

畔有大石雖霜雪常卧其上今石床尚存

並新採

胡坤生桐梓溱里人五歲而孤娶妻生子女妻亡

不娶婚嫁畢結茅學道雍正六年年七十一日沐浴

端坐命家人焚香記時刻誦泰元都而逝

桐梓邱志

張太虛仁懷人常披虎皮行乞市中與人談休咎

輒應後死鄉人共舁葬之未幾人復於蜀之綦江見

之仍披虎皮乞於市

道顯桐梓堯龍山先有老僧戒行甚精畜一虎

名黃貴僧墜魁崖死後數年其徒夢告復來次日一

叟攜童來求削髮計童生時卽老僧死時也因名道

顯言笑酷似前僧虎自僧死卽不見自是忽來他人不敢近與食亦不食惟道顯狎之山寺頽圯募修復舊病累月忽起曰吾將西歸卽從窻中躍出落數百丈懸崖下觀之合目跌坐尸毫無損時年二十餘

顯

棟

桐梓人因母病狂出家求神佑在本邑三

官殿誦佛經數年母果愈死之日有在百里外遇者郭誠元桐梓人生而掌上有肉印一每禱雨必效邑令延之禱令自壇歸誠元爲畫符兩掌心使皆拳囑以伸所令如言歸至頭門伸右則霹靂一聲至大堂伸左則雷大作雨卽至

楊木匠 遵義北鄉人略識字讀魯班經酷嗜之久  
若有神授遂爲梓人無斧鑿一切器用有囑造屋者  
卽以秫稽爲式示主人曰待某日成請觀自後杳無  
工程影響至期則雖有數處亦皆建就爲人製送嫁  
具雖數十處嫁同日皆精好如數付之亦未見其爲  
梓事也惟竣事之前夕見木匠獨閉門徹宵聞製造  
聲今所造屋猶有存者木匠自知死期至時登屋梁  
自擲下而尸不傷死後人猶遇之他處

並新採

邊義府志卷三十九

年紀一 自周秦至五代

方志之體不分別部居令一事原委條貫則不詳分別矣錯列互見一方之鉅要統滙難焉且或礙體製不無漏引漏略矣茲仿前史紀表意逐代編年事求微蒙無取約簡於全書殆如升菴藝文志可便別行續補未備亦冀後有胡杜云爾

周

按華陽國志巴志言秦惠王取蜀取巴置郡蜀志言高祖分置廣漢武帝分廣漢置犍爲分犍

爲置牂柯巴志亦云高帝分巴置廣漢武帝又  
兩割置犍爲故世曰分巴割蜀以成犍廣也其  
言蜀國所至則曰東接於巴南接于越言巴南  
鄙所分之涪陵郡界則曰南接武陵西接牂柯  
是遵義在未郡縣以前及僅置巴蜀時府地並  
當巴西南鄙蜀東南鄙今于犍牂未置以前略  
記巴蜀事以溯其始斷自周者以尙書左傳始  
及之也

武王伐紂巴人蜀人從

洛書曰人皇始出繼地皇之後兄弟九人分理九

州爲九圍人皇居中州制八輔華陽之壤梁岷之  
域是其一圓圍中之國則巴蜀矣其分野輿鬼東  
井其君上世未聞五帝以來黃帝高陽之支庶世  
爲侯伯及禹治水命州巴蜀以屬梁州會諸侯于  
會稽執玉帛者萬國巴蜀往焉周武王伐紂實得  
巴蜀之師著乎尚書巴師勇銳歌舞以凌殷人倒  
戈故世稱之曰武王代紂前歌後舞也武王旣克  
殷以其宗姬于巴爵之以子古者遠國雖大爵不  
過子故吳楚及巴皆曰子其地東至魚復西至夔  
道北接漢中南極黔涪土植五穀其民質直好義



土風敦厚有先民之流而其失在于重遲魯鈍俗  
素樸無造次辨麗之氣其屬有濮寶苴共奴穰夷  
蠻之蠻周之中世雖奉王職與秦楚鄧爲比是後  
楚主夏盟秦擅西土巴國分遠故于盟會希與戰  
國時嘗與楚婚及七國稱王巴亦稱王周顯王時  
楚國衰弱秦惠文王與蜀爲好蜀王弟苴私親于  
巴巴蜀世戰爭周慎王五年蜀王伐苴侯苴侯奔  
巴爲求救于秦秦惠文王遣張儀司馬錯救苴巴  
遂伐蜀滅之儀貪巴苴之富因取巴執王以歸置  
巴蜀及漢中郡分其地爲二縣

華陽國志巴志

海內南經有巴國所謂巴賓彭濮者伏羲後生巴

人郭璞云三巴國

巴東至魚復西連犛道北接漢中南極牂柯皆其界春秋戰國

不改路史國名紀太昊後風姓國

左傳巴師侵鄧宋巴瀘二州境

宜與太昊後巽

同上少昊後國

巴巴姬之國

楚靈姬

晉文公西伐巴蜀此也

呂氏春秋

上周之餘族可見國

蜀國肇于人皇與巴同圉至黃帝爲其子昌意娶

蜀山氏女生子高陽是爲顓頊封其支庶于蜀世

爲侯伯歷夏商周武王伐紂蜀與焉其地東接于

巴南接于越北與秦分西奄峨嵋有周之世限以

秦巴雖奉王職不得與春秋盟會君長莫同書軌  
周失綱紀蜀先稱王有蜀侯蠶叢其目縱始稱王  
次王曰柏灌次王曰魚鳧魚鳧王田于湔山得仙  
道蜀人思之爲立祠後有王曰杜宇教民務農一  
號杜宇移治郫邑或治瞿上七國稱王杜宇稱帝  
號曰望帝更名蒲卑會有水災其相開明決玉壘  
山以除水害帝遂委以政事禪位于開明升西山  
隱焉巴亦化其教而力農務迄今巴蜀民農時先  
祀杜宇君開明位號曰叢帝叢帝生盧帝盧帝攻  
秦至雍生保子寧九世有開明帝此似又一開明

王自夢廓移乃徙治成都周顯王之世蜀王有褒漢之地因獵谷中與秦惠王遇惠王以金一笥遺蜀王王報珍玩之物物化爲土惠王怒羣臣賀曰天奉我矣王將得蜀土地惠王喜乃作石牛五頭朝瀉金其後曰牛便金有養卒百人蜀人悅之使使請石牛惠王許之乃遣五丁迎石牛旣不便金怒遣還之乃嘲秦人曰東方牧犢兒秦人笑之曰吾雖牧犢當得蜀也周顯王二十二年蜀侯使朝秦秦惠王數以美女進蜀王感之故朝焉蜀王別封弟葭萌於漢中號苴侯苴侯與巴王爲好巴與

蜀讎故蜀王怒伐苴侯苴侯奔巴求救于秦秦惠王方欲謀楚羣臣議曰夫蜀西僻之國戎狄爲鄰不如伐楚司馬錯中尉田真黃曰蜀有桀紂之亂其國富饒得其布帛金銀足給軍用水通于楚有巴之勁卒浮大船舶以東向楚楚地可得蜀則得楚楚亡天下并矣惠王曰善周慎王五年秋秦大夫張儀司馬錯都尉墨等從石牛道伐蜀蜀王自于葭萌拒之敗績王逕走至武陽爲秦軍所害其傅相及太子退至逢鄉死于白鹿山開明氏遂亡凡王蜀十二世冬十月蜀平司馬錯等因取苴

與巴焉

華陽國志蜀志

揚雄蜀王本紀曰蜀之先稱王者有蠶叢折灌

選注

作柏

魚鳧蒲澤

二字依選注增

開明是時人萌

二字依選注增樅

髻左衽

選注不曉

文字未有禮樂從開明以上至

蠶叢積三萬四千歲

六字元作凡四歲依選注改

次曰伯雍又

次曰魚尾尾田于湔山得仙後有王曰杜宇出天

墜山又有朱提氏女名曰利自江源而出爲宇妻

乃自立爲蜀王號曰望帝移居郫邑

太平御覽百六十六引

十三州志曰當七國稱王獨杜宇稱帝于蜀以褒

斜爲前門熊耳靈關爲後戶玉壘峨眉爲池澤汶

山爲畜牧南中爲園苑時有荆人是後荆地有一  
死者名鼈冷其尸亡至汶山卻更生見望帝帝以  
爲蜀相時巫山壅江蜀地洪水望帝使鼈冷鑿巫  
山治水有功望帝自以德薄乃委國俗鼈冷號曰  
開明遂自亡去化爲子規故蜀人聞鳴曰我望帝  
也又云望帝使鼈冷治水而淫其妻冷還帝慙遂  
化爲子規杜宇死時適二月而子規鳴故蜀人聞  
之皆起自開明已下五葉始立宗廟時蜀有五丁  
力士能徙山岳每一王死五丁輒爲立大石以誌  
墓今石井是也號曰井里

同上引二條多  
誤字無從校改

蜀之爲國肇自人皇

世本揚雄蜀紀華陽志蜀本論等語

其始蠶叢

拍獲魚鳧各數百歲

見蜀紀號蠶叢帝拍獲帝魚鳧帝或作折獲與伯雍者非

寰宇記作伯禽尤疎

號蜀山氏蓋作于蜀蠶叢縱目王瞿上

魚鳧治導江逮蒲澤俾明時人氓椎結左言不知

文字上至蠶叢年祚深眇

揚雄記云二萬四千歲杜甫云二萬八千歲蜀

記等言魚鳧等君治蜀八萬年蓋難取據俾明記作開明非

最後乃得望帝杜

宇寔爲滿捍蓋蜀之先也

司馬貞以杜宇出唐杜氏後妄受禪在丁卯八

月三自叢以來帝號

蘆保一作盧其妻曰如俱葬

之昔黃帝爲其子昌意取蜀山氏而昌意之子乾

荒亦取于蜀山氏繼其後葉及高辛氏以其少子



封蜀則繼之者也

昌意遜居若水元囂降居江水而禹生石紐其地皆在蜀蓋五

帝時嘗合中國世本謂蜀王每世相承爲黃帝後而通典以蠶叢伯雍爲帝估之支樂史從之謂歷夏商至周始稱秦惠文元年蜀人來朝八年伐滅

王因前誤云

路史前紀

蜀支于封自蓋昌西南至蜀皆其地張儀滅之

蜀王

八戰不勝而滅赧王元年秦惠文封公

子通爲蜀王

同上國名紀高辛氏後國

按諸蜀記杜宇末年遜位繁合繁合者荆人也

舊說魚鳧田于湍山仙去後有男子從天墮曰

杜宇爲西海君自立爲蜀王號望帝徙都于郫

或瞿上自恃功高諸王乃以裒斜爲前門熊耳

靈關爲後戶玉壘峨眉爲城郭江潛綿洛爲池  
澤岷山爲畜牧南中爲園苑時繁令死尸隨水  
上荆人求之不得至蜀起見望帝望帝以之爲  
相後禮以國去之隱于西山民俗思之時適二  
月田鷓方鳴因號杜鷓以志其隱去之期一云  
字禮之而淫其妻恥之死爲子雋故蜀人聞之  
皆起曰我望帝也杜甫每每起歎所謂杜宇曾  
爲曹帝王者據風俗通等按風俗通引楚辭云  
到崕山下蘇起蜀繁令化從井出既死尸逆江  
人神之尊立爲王繁令化從井出既死尸逆江  
至岷山下起見望帝時巫山擁江蜀洪水望帝

令令鑿之蜀始處陸以爲刺史號曰西州自以德不如令從而禮焉是爲蜀開明氏年號萬通生蘆保亦號開明時武都出五丁力士輔之開明子孫八代都郫九世至開明尙始去帝號稱王治成都自開明五世開明尙始立宗廟于蜀則猶在五帝時以今蜀記望帝遠記周襄王至釐令王蜀十一代三百五十年當始皇時號厲蘆子霸王夫始皇時蜀滅久矣記言儀錯伐蜀蜀王開明拒戰不利退走武陽獲之則是張儀滅之也釐水名也字一作釐音別縣在牂柯集

韻音幣而刺史乃秦官故王充劉知幾以子雲之紀杜魄荆尸爲妄驚令亦作鼈靈墓在郫西

五里

同上餘論

庚子陳本命伐磨新荒命伐蜀乙巳陳本命新荒蜀磨至告禽霍侯俘艾佚侯小臣四十有六禽禦八百有三百兩告以馘俘

周書世俘解

按孔晁注此復說克紂所命伐也庚子三十六月禦大臣也考蜀從武王伐紂明載牧誓必無復命師伐之之理命伐者命考其勳伐也故自庚子至乙巳凡六日而知其所禽如此若命征

伐之安得速如是耶自庚子上溯甲子誓師日  
以本篇書日計之中隔二甲子則百五十七日  
孔云三十六月未詳

成王

一作周

之會巴人以比翼鳥蜀人以文翰文翰者

若臯雞皆東嚮

周書王會解

孔注巴人在南者比翼鳥不比不飛其名鷦鷯又  
云鳥有文彩者臯雞似鳧冀州謂之澤特臯一作  
皇補曰左傳注巴國在巴郡江州縣郡縣志渝州  
古巴國也武王伐殷巴人助焉其人勇銳歌舞以  
凌殷郊後封爲巴子其地東至魚復西至夔道南

極洋柯山海經後照始爲巴人爾雅南方有比翼  
鳥焉不比不飛其名謂之鵝鵝注似鳧青赤色山  
海經崇吾之山有鳥其狀如鳧一翼一目相得乃  
飛注比翼鳥也其爲鳥青赤兩鳥比翼管仲曰西  
海致比翼之鳥瑞應圖王者德及高遠則至王嘉  
拾遺記成王時燃邱國獻之狀如鵠而多力張華  
以爲一青一赤在參嵎山蜀見于牧誓華陽國志  
蜀之先肇于人皇之際黃帝爲子昌意娶蜀山氏  
後子孫因封焉寰宇記蠶叢始稱王次曰柏灌次  
曰魚鳧其後杜宇號望帝禪位于開明白開明而

上至蠶叢凡歷千歲秦以其地爲蜀郡爾雅翰天  
雞注翰彩赤羽逸周書曰文翰若彩雞成王時蜀  
人獻之說文翰天雞赤羽也逸周書文翰若翬雉

一名鷩風周成王時獻之王應麟王會補注

安王二十五年蜀伐楚取茲方楚肅王四年史記六國表

楚肅王四年蜀伐楚取茲方于是楚爲扞關以禦

之史記楚世家

慎靚王五年秦擊蜀滅之秦惠文王九年史記六國表

秦厲公二年周元王二年蜀人來賂惠公十三年周安王十年

五伐蜀取南鄭六國表云蜀取我南鄭惠文君元年蜀人來

朝周顯王三  
十二年  
惠文君稱公  
更元九年  
司馬錯伐蜀  
滅之

司馬錯與張儀爭論于秦惠王前司馬錯欲伐蜀  
張儀曰不如伐韓王曰請聞其說對曰親魏善楚  
下兵三川塞轅轅侯氏之口當屯雷之道魏絕南  
陽楚臨南鄭秦攻新城宜陽以臨二周之郊誅周  
主之罪侵楚魏之地周自知不救九鼎寶器必出  
據九鼎按圖籍挾天子以令天下莫敢不聽  
此王業也今夫蜀西僻之國而戎狄之長也敝兵  
勞眾不足以成名得其地不足以爲利臣聞爭名



者于朝爭利者于市今三川周室天下之市朝也而王不爭焉顧爭于夷狄去王業遠矣司馬錯曰不然臣聞之欲富國者務廣其地欲強兵者務富其民欲王者務博其德三資者備而王隨之矣今王之地小民貧故臣願從事于易夫蜀西僻之國也而戎狄之長也而有桀紂之亂以秦攻之辟如使豺狼逐羣羊也取其地足以廣國也得其財足以富民繕兵不傷衆而彼已服矣故拔一國而天下不以爲暴利盡西海諸侯不以爲貪是我一舉而名實兩附而又有禁暴正亂之名今攻韓劫天

子劫天子惡名也而未必利也又有不義之名而  
攻天下之所不欲危臣請謁其故周天下之宗室  
也齊韓周之與國也周自知失九鼎韓自知亡三  
川則必將二國并力合謀以因于齊趙而求解乎  
楚魏以鼎與楚以地與魏王不能禁此臣所謂危  
不如伐蜀之完也惠王曰善寡人聽子卒起兵伐  
蜀十月取之遂定蜀蜀主更號爲侯而使陳莊相

蜀蜀旣屬秦益強富厚輕諸侯

戰國策

秦因取巴苴置巴蜀二郡

華陽國志引詳前後

赧王二年

秦惠王十四年

秦通封蜀

赧王四年

秦惠王十五年

蜀相殺蜀侯

五年

秦武王元年

誅蜀相壯

史記六國表

六

秦惠文王十一年

公子通封于蜀

徐廣曰是歲王赧元年

十

四年蜀相壯

徐廣曰一作狀

殺蜀侯來降惠王卒子武王

立元年誅蜀相壯

史記秦本紀

周赧王元年秦惠王封子通國為蜀侯以陳壯為

相置巴郡以張若為蜀國守戎伯尙強乃移秦民

萬家實之三年分巴蜀置漢中郡六年陳壯反殺

蜀侯通國秦遣庶長甘茂張儀司馬錯復伐蜀誅

陳壯

華陽國志蜀志

十四年秦昭王六年蜀反司馬錯往誅蜀守輝定蜀史記六國

秦昭襄王六年蜀侯輝反司馬錯定蜀庶長奐伐

楚斬首二萬史記秦本紀

赧王七年秦封子惲爲蜀侯司馬錯率巴蜀衆十萬大舩舩萬艘米六百萬斛浮江伐楚取商於之地爲黔中郡十四年蜀侯惲祭山川獻饋于秦惠文王惲後母害其寵加毒以進曰饋從二千里來當試之王與近臣卽斃王大怒遣司馬錯賜惲劍使自裁惲懼夫婦自殺秦誅其臣郎中令嬰等二

三十一  
十七人十五年王封其子綰爲蜀侯

三十年秦王疑蜀侯綰反王復誅之但置蜀守張

若因取笮及其江南地焉

華陽國志蜀志

三十八年

當楚頃襄王二十二年秦昭王三十年

楚將莊躄克夜郎滇

池欲歸報秦奪楚巫黔中地道塞遂王滇

西南夷君長以什數夜郎最大其西靡莫之屬以什數滇最大皆繼結耕田有邑聚巴蜀西南徼外蠻夷也始楚威王時使將軍莊躄將兵循江上略巴蜀黔中以西莊躄者故楚莊王苗裔也躄至滇池地方三百里旁平地饒數千里以兵威定屬楚

欲歸報會秦擊奪楚巴黔中郡道塞不通因還以

其眾王滇變服從其俗以長之

史記西南夷傳漢書同

南中在昔蓋夷越之地滇濮句町夜郎侯王國以  
十數編髮左衽隨畜遷徙莫能相雄長周之季世  
楚威王遣將軍莊躡泝沅水出且蘭以伐夜郎植  
牂柯繫船于是且蘭旣克夜郎又降而秦奪楚黔  
中地無路得反遂畱王滇池躡楚莊王苗裔也以  
繫船因名且蘭爲牂柯國分侯支黨傳數百年

華陽國志南  
中志

楚頃襄王時遣將莊豪從沅水伐夜郎軍至且蘭

椽船于岸而步戰既滅夜郎因畱王滇池巨且蘭  
有椽船牂柯處乃改其名爲牂柯

後漢書西南夷傳

按史記秦本紀昭王三十年蜀守若伐取巫郡  
及江南爲黔中郡又六國表楚頃襄王二十二  
年秦拔我巫黔中郡並當周赧王三十八年太  
平寰宇記云史及漢書皆云楚威王時使莊躑  
略巴黔以西躑至滇池欲歸會秦奪楚巴黔中  
因以其衆王滇後十餘歲秦滅按楚自威王後  
懷王立三十年至頃襄王之二十二年秦昭襄  
王遣兵攻楚取巫黔中後漢史則云頃襄王時

莊豪王滇豪卽躑也若莊躑自威王時將兵略地屬楚秦陷巫黔中郡道塞不還凡經五十二年豈得如此淹久或恐史記誤班生因習便書范氏所記詳考爲正又莊躑王滇後十五歲頃襄王卒考烈王立二十五年幽王立十年負芻立五年而楚滅後十五年秦亡凡七十載何故云躑之王滇後十餘歲秦亡斯又未之詳也今按樂氏以史漢威王時爲非而以後書頃襄王時爲近其說是也考荀子議兵篇若夫招近募選隆執詐尙功利之兵則勝不勝無常代翕代張



代存代亡相爲雌雄耳矣夫是之謂盜兵君子不由也故齊之田單楚之莊蹻秦之衛鞅燕之繆蠆是皆世俗之所謂善用兵者也是其巧拙強弱未有以相君者也若其道一也又云楚人鮫革犀兕以爲甲韜如金石宛鉅鐵鉞慘如蠶蠶輕利僂蹻卒如飄風然而兵殆于垂沙唐蔑死莊蹻起楚分爲三四是豈無堅甲利兵也其所以統之者非其道故也楊倞注引史記索隱曰莊蹻楚將言其起爲亂後楚遂分爲四又引韓子曰楚王欲伐越杜子曰臣患目能見百步

而不見其聽王之兵敗于秦晉莊躒爲盜境內

更不能禁而欲伐越此智之如目也躒初爲盜

後爲楚將楊氏所引在韓非喻老篇本文云楚

也曰政亂兵弱杜子曰臣愚患之智如目也能

見百步之外而不能自見其聽王之兵自敗于

秦晉喪地數百里此兵之亂也莊躒爲盜于境

內而吏不能禁此政之亂也王之弱亂非越之

下也欲伐越此智也商子弱民篇楚國之民齊疾

而均速若飄風宛鉅鐵拖利若蜂蠆脅蛟犀兕

堅若金石秦師至鄢郢舉若振槁唐蔑死于垂

涉沙涉形主躒發于內楚分爲五垂涉之事商

是後人襲荀韓詩外傳四楚兵殆于垂沙唐子

子攙入書中韓詩外傳四楚兵殆于垂沙唐子

死莊躄起楚分爲三四

元作方爲二四今改

史記補禮書

楚兵殆于垂涉唐昧

音同

死莊躄起楚分而爲

四參三書之文略與荀同據諸書皆言唐蔑死

莊躄起而楚地分考史記楚世家及六國表秦

與齊韓共攻楚殺楚將唐昧取重邱而去在楚

懷王二十八年二十九年秦取楚襄城三十年

懷王入秦秦取楚八城頃襄王元年秦取楚析

及十五城楚分爲三四卽謂此是莊躄伐夜郎

取滇當以後書頃襄王時爲確之明證也至韓

非謂楚莊王欲伐越而杜子舉莊躄爲盜境

以止之莊懷之譌也莊王稱霸事具春秋傳及  
史記安有喪地秦晉之事唯懷王十七年與秦  
戰丹陽秦大敗我軍斬甲士八萬虜我大將軍  
裨將軍七十餘人遂取漢中之郡懷王乃悉國  
兵復襲秦戰于藍田大敗楚軍韓魏聞楚之困  
乃南襲楚至于鄧楚聞乃引兵歸二十年昭睢  
又有王雖取地于越不足以刷恥之語在史記  
楚世家可見欲伐越而言喪地于秦晉卽指十  
七年事其爲懷王之誤無疑也蓋躋在懷王時  
爲盜至頃襄時起而爲將故楊倞曰躋初爲盜

後爲楚將也躑之略地南中確年無可見意只在頃襄二十年前後三代用兵未有淹久至三四年外者特無徵未敢定耳王世貞云楚有兩躑一莊王大盜一莊王裔孫將軍平滇自王者此特就韓非史記爲說未加鉤稽參證殊無足取又考呂氏春秋介立篇莊躑之暴郢也注莊躑楚成王之大盜又異用篇跖與企足得飴以開閉取榷也注跖盜跖企足莊躑也皆大盜人名也以飴取人榷壯開人府藏竊人財物也高誘獨以躑爲成王時與諸家異蓋緣史記言躑

在威王時承而用之轉寫譌威爲成耳至後書  
之豪呂覽之企足與諸書之躄雖頗岐出實無  
三人豪躄音近企足近躄之切音且後書本篇  
復有滇王莊躄之後之語呂氏介立亦仍書作  
躄而郭子章莊躄考必以王滇之躄爲非盜謂  
遷固旣譌頃襄爲威王又惡知不譌豪爲躄當  
從范氏莊豪爲正馬氏豪卽躄之說爲非此特  
以正德間雲南欲祠躄因賈誼賦謂躄跣廉兮  
李奇注躄楚之大盜故不果思曲爲之護不足  
辨也至樂氏謂史漢云躄王滇後十餘歲秦滅

且為之算年謂未知其詳考史漢言躋王滇繼  
言秦時通五尺道于此國置吏十餘歲秦滅十  
餘歲謂通道置吏至秦亡之年非謂王滇至秦  
亡之年樂氏檢核偶未審馬氏文獻通考亦沿  
其說

又按牂柯之名見管子小匡篇與雕題黑齒等  
並列當繫殷周舊國名後書以為苴蘭有莊躋  
椽船牂柯因改名未必然說詳沿革

秦

始皇帝

秦時常頰略通五尺道諸此國頗置吏焉十餘

秦滅

史記西  
南夷傳

史按諸國見上常頰漢書依嘗破

莊躋分侯支黨傳數百年秦並蜀通五尺道置吏

主之漢興遂不賓

華陽國志  
南中志

按史記正義括地志五尺道在郎州漢書注師  
古曰其處險阨故道纔廣五尺秦通此道後十  
餘歲而滅則在稱帝之初

三十三年略取南越地置象郡

通鑑

按南越卽百越亦曰揚越俱見史記漢書注云



南越芋姓與楚同祖國語曰芋姓夔越是也山海經云沅水出象郡此條據畢氏攷證爲漢人水經並非三代舊文是知今貴州之平越州都勻府皆古越地秦之象郡地漢昭帝元鳳五年紀有罷象郡分屬鬱林牂柯之文是其明證華陽國志言蜀國地南接于越東接于巴越卽自象郡分爲牂柯地參稽諸說可見今貴州貴陽以南古越國之西北境秦象郡之東北境貴陽以北古蜀國秦蜀郡之東南境至漢始漸割以成牂柯耳

漢

武帝元光五年通南夷置犍爲郡

通鑑

夏發巴蜀治

南夷道

漢書武帝紀

建元六年大行王恢擊東越

按本紀在六年八月東越殺王

郢以報恢因兵威使番陽令唐蒙風指曉南越

越皆南越食蒙枸醬蒙問所從來曰道西北牂柯

牂柯江廣數里出番禺城下蒙歸至長安問蜀賈

人賈人曰獨蜀出枸醬多持竊出市夜郎夜郎者

臨牂柯江江廣百餘步足以行船南越以財物役

屬夜郎西至桐師然亦不能臣使也蒙乃上書說

上曰南越王黃屋左纛地東西萬餘里名爲外臣  
實一州主也今以長沙豫章往水道多絕難行竊  
聞夜郎所有精兵可得十餘萬浮船牂柯江出其  
不意此制越一奇也誠以漢之疆巴郡之饒通夜  
郎道爲置吏甚易上許之乃拜蒙爲中郎將將千  
人食重萬餘人從巴蜀笮關入漢書云從巴笮關入遂見夜  
郎侯多同蒙厚賜喻以威德約爲置吏使其子爲  
令夜郎旁小邑皆貪漢繒帛以爲漢道險終不能  
有也乃且聽蒙約還報乃以爲犍爲郡發巴蜀卒  
治道自犍道指牂柯江蜀人司馬相如亦言西夷

邛笮可置郡使相如以郎中將往諭皆如南夷爲  
置一都尉十餘縣屬蜀當是時巴蜀四郡通西南  
夷道戍轉相饜數歲道不通士罷餓離濕死者甚  
衆西南夷又數反發兵興擊耗費無功上患之使  
公孫宏往視問焉還對言其不便及宏爲御史大  
夫是時方築朔方以據河逐胡宏因數言西南夷  
害可且罷專力事匈奴上罷西夷獨置南夷夜郎  
兩縣一都尉稍令撻爲自葆就史記西南夷傳  
十道志九州志曰夜郎自古非臣伏州郡之地漢  
武開拓南邊始置夜郎縣屬牂柯郡卽牂柯都尉

屠之

太平御覽州郡部引

武帝因文景之畜卽位數年蕭然煩費唐蒙司馬相如始開西南夷鑿山通道千餘里以廣巴蜀巴蜀之民罷焉其後又通西南夷道作者數萬人千里負擔餽饟率十餘鍾致一石散幣于邛笮以輯之數歲而道不通蠻夷因以數攻吏吏發兵誅之悉巴蜀租賦不足以更之乃募豪民田南夷入粟縣官而內受錢于都內漢書食貨志

司馬相如爲郎數歲會唐蒙使略通夜郎西越中發巴蜀吏卒千人邵又多爲發轉漕萬餘人用輿

法

漢書曰用

誅其渠帥巴蜀民大驚恐上聞之乃

使相如賁唐蒙等因喻告巴蜀民以非上意

喻載藝

文相如還報唐蒙已略通夜郎因通西南夷道發

巴蜀廣漢卒作者數萬人治道二歲道不成士卒

多物故費以巨萬計蜀民及漢用事者多言其不

便是時邛笮之君長聞南夷與漢通得賞賜多多

欲願爲內臣妾請吏比南夷天子問相如相如曰

邛笮冉駹者近蜀道亦易通秦時嘗通爲郡縣至

漢興而罷今誠復通爲置郡縣愈于南夷天子以

爲然乃拜相如爲中郎將往使副使王然于壺充

國呂越人馳四乘之傳因巴蜀吏幣物以賂四夷  
長卿便略定西夷邛笮冉駹斯榆之君皆請爲內  
臣除邊關蓋斥西至沫若水南至牂柯爲徼通  
零關道橋孫水以通邛都還報天子天子大說

司馬相如傳

漢書大同

漢祖自漢中出三秦伐楚蕭何發蜀漢米萬船而  
給助軍糧收其精銳以補傷疾雖王有巴蜀南中  
不賓也高祖六年始分置廣漢郡元鼎二字當作建元六  
年分廣漢置犍爲郡華陽國志高帝分巴置廣漢孝  
武帝又兩割置犍爲故世曰分巴割蜀以成犍廣

也

巴志

按華陽國志蜀志犍爲郡下曰孝武建元六年置時治警漢書地理志亦云犍爲郡武帝建元六年開通鑑輯覽獨繫置犍爲于元光五年蓋以史漢言唐蒙還報以爲犍爲郡卽繼之曰發巴蜀卒治道武帝紀書發巴蜀治道在元光五年夏也荀悅漢紀亦同由元光五年上溯建元六年中隔四年唐蒙以建元六年使南越又歸至長安乃上書說上乃以蒙爲中郎將蒙又諭約夜郎還報乃置犍爲必非一二年事愈知犍



爲之置必在元光四五年之冬春間矣史漢西南夷傳之建元特舉始事之由本自不誤漢志不審以屬竟事而華陽志誤襲之故皆不從

又按通鑑輯覽注犍爲初治營今遵義府遵義

縣地是夜郎今貴州以西南籠諸府地南籠嘉慶初改

興古爲夜郎國漢置縣唐始移縣于珍州今遵

義縣桐梓縣是牂柯江卽古鬱水其上流爲今

貴州之盤江逕廣西南寧府爲左江至潯州府

合右江卽黔江亦導源貴州入廣東境爲西江

下番禺入海又考建屬有符縣卽接營之西北

境今貴州之仁懷四川之合江二縣是其地路

史以警爲警令國

元注蜀王相本用鼈

故牂柯警縣有警

水在國名紀雜國上

六年南夷始置郵亭

史記集解徐廣說

元朔三年罷西南夷

漢書武帝紀

元狩元年遣博望侯張騫因蜀犍爲發間使四道並

出指求身毒國于是始通滇國乃復事西南夷

通鑑輯覽

騫曰臣在大夏時見邛竹杖蜀布問安得此大夏

國人曰吾賈人往市之身毒國身毒國在大夏東

南可數千里其俗土著與大夏同而卑濕暑熱其

民乘象以戰其國臨大水焉以騫度之大夏去漢  
萬二千里居西南今身毒又居大夏東南數千里  
有蜀物此其去蜀不遠矣今使大夏從羌中險羌  
人惡之少北則爲匈奴所得從蜀宜徑又無寇天  
子旣聞大夏之屬皆大國多奇物土著頗與中國  
同俗而兵弱貴漢財物誠得而以義屬之則地廣  
萬里威德徧四海欣欣以騫言爲然乃令因蜀犍  
爲發間使四道並出出駝出柞出徙邛出犍皆各  
行一二千里其北方閉氐茈南方閉昆明昆明之  
屬無君長善寇盜輒殺略漢使終莫得通然問其

西可千餘里有乘象國名滇越而蜀賈間出物  
或至焉于是漢以求大夏道始通滇國初漢欲通  
西南夷費多罷之及騫言可以通大夏廼復事西

南夷

漢書張騫傳

元狩元年博望侯張騫使大夏來言居大夏時見  
蜀布邛竹杖使問所從來曰從東南身毒國可數  
千里得蜀賈人市或聞邛西可二千里有身毒國  
騫因盛言大夏在漢西南慕中國患匈奴隔其道  
誠通蜀身毒國道便近有利無害于是天子乃令  
王然于柏始昌呂越人等使間出西夷西指求身

毒國至滇滇王嘗羌乃雷爲求道西十餘輩歲餘皆閉昆明莫能通身毒國滇王與漢使者言曰漢孰與我大及夜郎侯亦然以道不通故各自以爲一州主不知漢廣大使者還因盛言滇大國足事

親附天子注意焉

史記西南夷傳漢書同

元鼎五年夏四月南越王相呂嘉反秋遣馳義侯

遺應劭曰越人也別將巴蜀罪人發夜郎兵下牂柯江會番禺

禺漢書武帝紀

南越反上使馳義侯因犍爲發南夷兵且蘭君恐遠行勞國虜其老弱乃與其眾反殺使者及犍爲

太守漢乃發巴蜀罪人嘗擊南越者八校尉擊破

之

史記西南夷傳  
漢書嘗作當

六年冬南越破馳義侯遺兵未及下上便令征西南

夷平之遂定西南夷以爲武都牂柯越箇沈黎汶山

郡

漢書武  
帝紀

越已破漢八校尉不下卽引兵還行誅頭蘭頭蘭

嘗隔滇道者也

漢書云越已破漢八校尉不下中  
郎將郭昌衛廣引兵還行誅隔滇

道者且蘭斬首數萬  
遂平南夷爲牂柯郡遂平南夷爲牂柯郡夜郎侯

始倚南越南越已滅會還誅反者夜郎遂入朝上

以爲夜郎王南越破後及漢誅且蘭邛君并殺從

侯冉駘皆震恐請臣置吏乃以爲越雋沈犁漢作黎

汶山郡廣漢西白馬爲武都郡元封二年滇王離

難西南夷舉國降以爲益州郡賜滇王印復長其

民西南夷君長以百數獨夜郎滇受王印史記西南夷傳

有竹王者興于遯水有一女子浣于水濱有三節

大竹流入女子足間推之不肯去聞有兒聲取持

歸破之得一男兒長養有才武遂雄夷狄以竹爲

姓捐所破竹于野成竹林今竹王祠竹林是也王

與從人嘗止大石上命作羹從者曰無水王以劍

擊石水出今王水是也破石存焉後漸驕恣武帝

傳拜唐蒙爲都尉開牂柯以重幣諭告諸種侯王  
侯王服從因斬竹王置牂柯郡以吳霸爲太守後  
夷濮阻城咸怨訴竹王非血氣所生求立後嗣霸  
表封其三子列侯死配食父祠今竹王三郎神是  
也

華陽國志  
南中志

西南夷者在蜀郡徼外有夜郎國東接交阯西有  
滇國北有邛都國各立君長其人皆椎結左衽邑  
聚而居能耕田夜郎者有女子浣于遯水有三節  
大竹流入足間聞其中有號聲剖竹視之得一男  
兒歸而養之及長有才武自立爲夜郎侯以竹爲



姓武帝元鼎六年平南夷爲牂柯郡夜郎侯迎降  
天子賜其王印綬後遂殺之夷獠咸以竹王非血  
氣所生甚重之求爲立後牂柯太守吳霸以聞天  
子乃封其三子爲侯死配食其父今夜郎縣有竹  
王三郎神是也後漢書西  
南夷傳

按通鑑輯覽注牂柯郡治故且蘭侯邑今平越

府平越縣

嘉慶初府改直隸州  
縣省入州故且蘭侯邑

元封元年分犍爲置牂柯郡華陽國志

按史漢言置牂柯在前一年漢志亦言牂柯元

鼎六年開華陽志繫此年當自去年冬議置至

是始定也自此暨白犍爲來屬牂柯符仍屬犍

爲

二年分牂柯置益州郡

華陽國志蜀志

二年六月遣將軍郭昌中郎將魏廣破巴蜀兵平

西南夷未服者以爲益州郡

漢書武帝紀

漢連出兵三歲誅羌滅兩粵番禺以西至蜀南者

置初郡十七且以其故俗治

無賦稅南陽漢中以

往各以地比給初郡吏卒奉食幣物傳車馬備具

師古曰地比謂依其次第自近及遠也

而初郡必時時小反殺吏漢

發南方吏卒往誅之間歲萬餘人

古曰間費皆隔一歲費皆

仰太農太農以均輸調鹽鐵助賦故能澹之然兵所過縣縣以爲訾給無乏而已不敢言輕賦法矣

漢書食

貨志

昭帝始元元年牂柯談指同並皆反遣水衡都尉呂破胡擊破之

元年夏詔州廉頭姑繒牂柯談指同並二十四邑

皆反遣水衡都尉呂破胡募吏民及發犍爲蜀郡

犍命擊益州大破之應劭曰舊時郡國皆有材官

不足以討之故權選取精勇聞命奔走故謂之奔

命李斐曰平居發者二十以上至五十爲甲卒今者五十以上六十以下爲奔命奔命言急也師古曰應說是人漢書武帝紀

元年益州廉頭姑繒民反殺長吏牂柯談指同並  
等二十四邑凡三萬餘人皆反遣水衡都尉發蜀

郡犍爲奔命萬餘人擊牂柯大破之

同西  
南夷傳

元鳳五年秋罷象郡分屬鬱林牂柯

漢書昭  
帝紀

成帝河平

河平中夜郎王興與鉤町王禹

按本書紀云始元  
六年詔曰鉤町侯

亡波率其邑君長人民擊反者斬  
首捕虜有功其立亡波爲鉤町王漏臥侯俞更舉

兵相攻牂柯太守請發兵誅興等議者曰爲道遠  
不可擊乃遣太中大夫蜀郡張匡持節和解興等  
不從命刻木象漢吏立道旁射之杜欽說大將軍

王鳳曰太中大夫匡使和解蠻夷王侯王侯受詔  
已復相攻輕易漢使不憚國威其效可見恐議者  
選奕復守和解太守察動靜有變乃以聞如此則  
復曠一時王侯得收獵其眾深固其謀黨助眾多  
各不勝忿必相殄滅自知罪成狂犯守尉遠臧温  
累毒草之地雖有孫吳將賁育士若入水火往必  
焦沒知勇亡所施屯田守之費不可勝量宜因其  
罪惡未成未疑漢家加誅陰救旁郡守尉練士馬  
大司農豫調穀積要害處師古曰要害者在選  
任職太守往以秋涼時入誅其王侯尤不軌者即

以爲不毛之地亡用之民聖王不以勞中國

郡放棄其民絕其王侯勿復通如曰先帝

身

世之功不可墮壞亦宜因其萌芽早斷絕之及已  
成形然後戰師則萬姓被害大將軍鳳于是薦金  
城司馬陳立爲牂柯太守立前爲連然長不韋令  
蠻夷畏之及至牂柯諭告夜郎王興興不從命立  
請誅之未報迺從吏數十人出行縣至興國且同  
亭召興興將數千人往至亭從邑君數十人入見  
立立數責因斷頭邑君曰將軍誅亡狀爲民除害  
願出曉士眾曰興頭示之皆釋兵降鉤町主禹漏

臥侯俞震恐入粟千斛牛羊勞吏士立還歸郡興  
妻父翁指與興子邪務收餘兵迫脅旁二十二邑  
反至冬立秦募諸夷與都尉長史分將攻翁指等  
翁指據隄爲壘立使奇兵絕其饗道縱反間曰誘  
其眾都尉萬年曰兵久不決費不可共引兵獨進  
敗走趨立營立怒叱戲下令格之都尉復還戰立  
引兵救之時天大旱立攻絕其水道蠻夷共斬翁  
指持首出降

漢書西  
南夷傳

成帝時夜郎王興與句町王禹漏臥侯俞更相攻  
擊帝使太中大夫張匡

本傳持節和解之句町夜

郎王不服乃刻木作漢使射之大將軍王鳳薦金城司馬陳立爲牂柯太守何霸爲中郎將出益州立旣到郡單至夜郎召興與邑君數十人來見立立責數斬興邑君皆悅服興妻父翁指與興子恥復反立討之威震南裔

華陽國志南中志

四年二月更官名位次及十二州名分界郡國所屬罷置改易天下多事吏不能紀

漢書平帝紀

按是時政自王莽出漢地理志曰牂柯郡莽曰同亭犍爲郡莽曰西順毋斂縣莽曰有斂夜郎縣莽曰同亭鉤町縣莽曰從化符縣莽曰符信



莽傳曰改太守曰大尹都尉曰大尉縣令長曰宰四夷僭號稱王者皆更爲侯又曰郡縣以亭名者三百六十以應符命文其後歲復變更一郡至五易名而還復其故吏民不能紀其更改卽始于是時也

### 新莽

五威將帥出改句町王以爲侯王邯怨怒不附莽  
諷牂柯大尹周歆詐殺邯邯弟承起兵攻殺歆于  
是西南夷皆亂云

漢書  
莽傳

王莽篡位改漢制貶句町王以爲侯王邯怨恨群

柯大尹周欽名異詐殺邯邯弟承攻殺欽州郡擊

之不能服三邊蠻夷愁擾盡反復殺益州大尹莽

遣平蠻將軍馮茂發巴蜀犍爲吏士賦斂取足于

民巨擊益州出入三年疾疫死者什七巴蜀騷動

恭徵茂還誅之更遣寧始將軍廉丹與庸部牧史

能孟康曰莽改益州爲庸部大發天水隴西騎士廣漢巴蜀犍

爲吏民十萬人轉輸者合二十萬人擊之始至斬

首數千其後軍糧前後不相及士卒饑疫三歲餘

死者數萬漢書西南夷傳

莽始建國三年十月馮茂擊句町不克下獄死更

遼寧始將軍廉丹與庸部牧吏熊擊句町頗斬首  
有勝莽徵丹熊丹熊願益調度必克乃還復大賦  
斂就都大尹馮英不肯給上言自慈雋遂久仇牛  
同亭邪豆之屬反畔以來積且十年郡縣距擊不  
已續用馮茂苟施一切之政熨道以南山險高深  
茂多毆眾以居費以億計吏士離毒氣死者十七  
今丹熊懼于自詭期會調發諸郡兵穀復訾其民  
取其十四師古曰發人訾財十取其四也空破梁州功終不遂宜  
罷兵屯田明設購賞莽怒免英官後頗覺寤曰英  
亦未可厚非復以英爲長沙連帥四年更始將軍

廉丹擊蓋州不能克徵還更遣復位後大司馬護

軍郭興庸部牧李羸擊蠻夷若豆等地皇二年遣

國師和仲曹放助郭興擊句町

同上  
莽傳

王莽篡位更牂柯曰同亭郡不服會

華陽國志  
南中志

公孫述時大姓龍傅尹董氏與郡功曹謝暹保境

爲漢乃遣使從番禺江奉貢光武嘉之並加褒賞

後漢書西  
南夷傳

後漢

七画  
光武建武元年初罷郡國都尉官

後漢書  
本紀

按是年四月公孫述自稱天子于成都至十一

年十一月吳漢臧宮始破之述被剄死華陽國志南中志牂柯郡下云公孫述時三蜀大姓龍傳尹董氏與功曹謝暹保郡聞漢世祖在河北乃遠使使由番禺江出奉貢漢朝世祖嘉之號爲義郎後漢西南夷傳略同又按後書載犍爲屬縣之符爲符節改時未詳其後仍省稱符時亦未詳

壬寅

十八年罷州牧置刺史

後漢本紀注云武帝元封五年初置部刺史掌奉詔條察

州秩六百石員十三人成帝綏和元年更名牧秩二千石哀帝建平二年復爲刺史元壽二年復爲牧經王莽變革至建武元年復置牧今改置刺史

按前書地理志武帝置十三部刺史改梁曰益  
犍爲牂柯並屬益州至是刺史牧名雖屢更犍  
牂之屬仍舊

丁未

安帝永初元年五月九直徼外夜郎蠻夷舉種內屬

後漢書  
本紀

按此疑別一夜郎非屬牂柯者

丙辰

靈帝熹平五年改刺史新置牧後漢書本紀以劉焉領益

州牧

華陽國志  
公孫志

中平元年涼州黃巾賊攻下犍爲黃巾逆賊馬相  
趙祇等聚眾綿竹殺縣令募疲役之民一二日得

數千人遣王饒趙播等進攻雒城殺刺史并下蜀郡犍爲旬月之間破壞三郡相自稱天子眾以萬數又別破巴郡殺太守州從事賈龍素頽家兵在犍爲之青衣率吏民攻相破滅之

甲戌

獻帝興平元年劉焉卒除劉璋領益州牧

同上

癸巳

建安十八年分犍爲地置江陽郡

江陽郡本犍爲枝江都尉建安十八年直郡漢安程徵后謙白州牧劉璋求立郡璋聽之以都尉廣漢成存爲太守

華陽國志蜀志

按自此符屬江陽考後書本紀安帝永初元年

春正月分犍爲南郡爲屬國都尉郡國志載屬國屬縣爲漢陽朱提此以都尉置而屬縣乃江陽符蓋以其官置非以地置也

十九年先主定蜀

華陽國志南中志

趙雲自江州分定江陽

犍爲

同上公孫志

按本書先主志書此事在十九年之前

蜀漢

昭烈帝章武元年以李恢爲庾降都督治平夷

建安十九年先主定蜀以鄧方治南昌夷漢敬其威信方卒先主問代于治中從事建寧李恢對曰



西零之役趙充國有言莫若老臣先主遂用恢爲

都督治平夷縣

華陽國志南中志

李恢字德昂建寧僉元人先主領益牧以爲功曹

書佐主簿更遷別駕從事章武元年庾降都督鄧

方卒先主問恢誰可代者恢對曰人之才能各有

短長故孔子曰其使人也器之且夫明主在上則

臣下盡情是以先靈之役趙充國曰莫若老臣臣

竊不自揆惟陛下察之先主笑曰孤之本意已在

卿矣遂以恢爲庾降都督使持節領交州刺史住

平夷縣

臣松之說之蜀人云康降地名去蜀二千餘里時未有寧州號爲南中立此職以總

撮之晉泰始中始分爲寧州

三國志本傳並注

後主建興元年夏牂柯太守朱褒擁郡反

三國志

魏氏春秋曰初益州從事常璩行部聞褒將有異志收其主簿案問殺之褒怒攻殺房誣以謀反諸葛亮誅房諸子徙其四弟于越雋欲以安之褒猶不悛改遂以郡叛應雍闓臣松之案以爲房爲褒所誣執政所宜澄察安有妄殺不辜以悅奸慝斯殆妄矣

三國志注

先主薨後牂柯郡丞朱提朱褒領太守恣睢丞相諸葛亮以初遭大喪未便加兵遣越雋太守巴西

義祿住安上縣建領郡從事蜀郡常頌行部南入

至牂柯收郡主簿考訊姦褻因殺頌爲亂

華陽志  
南中志

三年春三月丞相亮南征四郡四郡皆平改益州郡

爲建寧郡不建寧永昌爲雲南郡分建寧牂柯爲興

古郡十二月亮還成都

三國志  
蜀志

亮南征自安上山水路入越窩而別遣馬忠伐牂

柯李恢向益州高定元自旄牛定笮多爲壘守亮

欲元軍眾集合併討之軍卑水定元部曲殺

雍闓孟獲代闓爲主亮旣斬定元而馬忠破牂柯

夏五月亮渡瀘征益州生虜孟獲赦使還合軍更

戰足七虜七赦獲等心服曰明公天威也邊民長不爲惡矣秋遂平四郡改益州爲建寧又分建寧

牂柯爲興右郡以馬忠爲牂柯太守

華陽國志南中志

高定恣睢于越巂雍闓跋扈于建寧朱褒反叛于牂柯丞相亮南征先由越巂而李恢案道向建寧諸縣大相糾合圍恢軍于昆明時恢眾少敵倍又未得亮聲息紹謂南人曰官軍糧盡欲規退還吾中間久斥鄉里乃今得還不能復北欲還與汝等同計謀故以誠相告南人信之故圍守怠緩于是恢出擊大破之追奔逐北南至槃江東接牂柯與

亮聲勢相援南土平定恢軍功居多

三國志蜀志

十一年南夷豪率劉胄反擾亂州郡以州治中從事馬忠代張翼爲庾降都督討平之移都督治味縣

都督常重用人李恢卒後以蜀郡太守張翼爲都督翼特嚴法不得殊俗和夷帥劉胄反徵翼以馬忠爲代忠未至翼進攻戰方各資儲羣下懼翼曰吾方臨戰場豈可以絀退之故廢公家之務乎忠至承以滅胄蜀賜翼爵關內侯

華陽國志南中志

張翼字伯恭犍爲武陽人建興九年爲庾降都督綏南中郎將翼性特法嚴不得殊俗之歡心者卒

劉胄背叛作亂翼舉兵討胄胄未破會被徵當還羣下咸以爲宜便馳騎卽罪翼曰不然吾以蠻夷蠢動不稱職故還耳然代人未至吾方臨戰場當運糧積穀爲滅賊之資豈可以黜退之故而廢公家之務乎于是統攝不懈代到乃發馬忠因其成基以破殄胄丞相亮聞而善之以爲前軍都督

十一年南夷豪率劉胄反擾亂諸郡徵庾降都督張翼還以馬忠代翼忠遂斬胄平南土加忠監軍奮威將軍封博陽亭侯初建寧郡殺太守正昂縛太守張裔于吳故都督常駐平夷縣至忠乃移治

味縣處民夷之間

並三國志蜀志

蓋部耆舊傳曰張疑隨馬忠討叛羌軍以克捷後南夷劉胄又反以馬忠爲督庾降討胄疑復屬焉戰鬥常冠軍首遂斬胄平南事訖牂柯興古獠種復反忠令疑領諸營往討疑內招降得二千人悉傳詣漢中

三國志張疑傳注字伯岐巴西西南充國人

按疑

按馬忠後蜀郡張表代爲都督加安南將軍又以捷爲楊戲華陽志作義爲參軍副貳之表後以南郡閻宇爲都督南郡霍弋爲參軍弋甚善參毗之禮遂代宇爲監軍安南將軍撫和異俗爲之

立法施教輕重允當及晉仍因其任張表字伯  
達蜀郡成都人有威儀風觀爲時名士清望踰  
忠閻字字文平南郡人夙有功幹于事精勤其  
威風稱績皆不及忠楊戲字文然犍爲武陽人  
少與表並知名霍弋字紹先南郡枝江人見華  
陽志及三國志並注

晉

武帝泰始六年閏月

承五

詔南中諸郡無出今年戶

調八月分益州之南中四郡置寧州曲赦四郡殊死

以下

晉書武  
帝紀



庾降都督霍弋卒子在龔領其兵和諸姓秦始六年以益州大分南中四郡爲寧州鮮于嬰爲刺史太康三年罷寧州置南夷以天水李毅爲校尉持節統兵鎮南中毅後永昌呂祥爲校尉祥後數人廣漢李毅爲校尉

華陽國志南中志

按是時牂柯仍屬益州

太康四年夏六月牂柯獠二千餘落內附

十年十二月西南夷二十餘國來獻虜

並晉書武帝紀

惠帝太安元年復置寧州增統牂柯益州朱提

李毅爲南夷校尉建寧太守杜俊朱提太守雍約

懦鈍無治政以賄成俊奪大姓鐵官令毛詵中郎

李督

後賢志  
作睿

部曲致詵弟耐罪朱提大姓太中大

夫李猛有才幹弟爲功曹分當察舉而俊約受都

尉雷逢賂舉逢子炤孝廉不禮猛猛等怨之太安

元年秋詵督猛逐俊以叛猛亦逐約應之作亂衆

數萬毅討破之斬詵首督走依違耶五茶夷帥于

陵承猛箋降毅惡其言遂誘殺之行部永昌從事

江陽孫辨上南中形勢七郡斗絕晉弱夷強加其

土人屈寒應復寧州以相鎮慰冬十一月丙戌詔

書復置寧州增統牂柯益州朱提合七郡爲刺史

加龍驤將軍進封成都縣侯二年于陵承詣毅請  
恕督罪毅許之督至羣下以爲誅督破亂州土必  
殺之毅不得已許諾及死督于陵承及誅猛遑耶  
怒扇動謀反奉建寧太守巴西馬恢爲刺史燒郡  
僞發毅方疾作力出軍初以救恢及聞其情乃殺  
恢夷愈強盛破壞郡縣役吏民會毅疾甚軍運不  
利晉民或入交州或入永昌牂柯半亦爲夷所困  
虜夷因攻圍州城毅但併力固孤城病篤不能戰  
討時李特李雄作亂益州而所在有事救援莫致  
毅上疏陳謝不能式遏寇虐疾與事遇使虜遊寬

兵穀旣單器械窮盡而求救無望坐待殄斃若必  
不垂矜憂乞請大使及臣尚存加臣重罪若臣已  
死陳屍爲戮光熙元年春三月毅薨子釗任洛還  
赴到牂柯路塞停住交州文武以毅女秀明達有  
父才遂奉領州事秀初適漢嘉太守廣漢王載將  
家避地在南故共推之又以載領南夷龍驤參軍  
秀獎勵戰討食糧已盡人但茹草食鼠爲命秀伺  
夷怠緩輒出軍掩破首尾三年釗乃得達丁喪文  
武復逼釗領州府事

華陽國志  
南中志

太安二年

李雄克成都蜀人流散東下江陽南入七郡晉書載記

按晉載記未書年以華陽國志大同志知之

懷帝永嘉元年益州民流移在荆襄州及越雋牂柯

尚書置郡縣就民所在華陽國志大同志

按尚羅尚惠帝時為益州刺史

夏五月建寧郡夷攻陷寧州死者三千餘人晉書本紀

四年以王遜為寧州刺史

李毅故吏毛孟等詣洛求救至欲自刎懷帝乃下

交州使救助之以釗為平寇將軍領南夷護軍遣

御史趙濤贈毅少府諡曰威侯交州刺史吾彥遣

子威遠將軍咨以授之朝廷以廣漢太守魏興王  
遜爲南夷校尉寧州刺史代毅自永嘉元年受除  
四年乃至遙舉建寧董敏爲秀才郡久無太守功  
曹周悅行郡事輕敏不下其板遜至怒殺悅悅弟  
秦臧長周易合夷叟謀以趙濤父混昔爲建寧有  
德惠欲殺遜樹濤遜誅之并殺濤夷晉莫不惶懼  
表釗爲朱提太守治南廣禦雄時荒亂後倉無斗  
粟眾無一旅官民虛竭繩紀弛廢遜惡衣菜食招  
集夷民夷微厭亂漸亦返善勞來不怠數年克復  
以五茶夷昔爲亂首圖討之未有致罪會夷發夜

郎莊王墓遜因此遂討滅之及討惡獠剛夷數千  
落威震南方官至平西安南將軍又兼益州刺史  
加散騎常侍封襄中伯而嚴猛太過多所誅鉏犍  
爲太守朱提雷炤流民陰買平樂太守董霸破牂  
柯平夷南廣北降李雄建寧豐量與益州太守李  
易梁水太守董謹保興古槃以南叛雄遣叔父驤  
破越雋伐寧州遜使使督護雲南姚岳距驤于螳  
螂縣違遜指授雖大破驤不獲大興四年遜發病  
薨州人推中子堅領州事

華陽國志  
南中志

王遜字邵伯魏興人也仕郡察孝廉爲吏部令史

轉殿中將軍累遷上洛太守轉魏興太守惠帝末  
西南夷叛寧州刺史李毅卒城中百餘人奉毅女  
固守經年永嘉四年治中毛孟詣京師求刺史不  
見省孟固陳曰君亡親喪幽閉窮城萬里訴哀不  
垂愍救既慙包胥無哭秦之感又愧梁妻無崩城  
之驗存不若亡乞賜臣死朝廷憐之乃以遜爲南  
夷校尉寧州刺史使于郡使之鎮遜與孟俱行道  
遇寇賊踰年乃至外逼李雄內有夷寇吏士散沒  
城邑邱墟遜披荒糾厲收聚離散杖威刑鞭撻殊  
俗遜未到州遙舉董聯爲秀才建寧功曹周悅謂



聯非才不下版檄遜既到收悅殺之悅弟潛謀殺  
遜以前建寧太守趙混子濤代爲刺史事覺並誅  
之又誅豪右不奉法度者數十家征伐諸夷俘馘  
千計獲馬及牛羊數萬餘于是莫不振服威行寧  
土又遣子澄奉表勸進于元帝帝嘉之累加散騎  
常侍安南將軍假節校尉刺史如故賜爵襄中縣  
遜以地勢形使上分牂柯爲平夷郡分朱提爲南  
廣郡分建寧爲夜郎郡分永昌爲梁水郡又改益  
州郡爲晉寧郡事皆施行先是越雋太守李釗爲  
李雄所執自蜀逃歸遜復以釗爲越雋太守李雄

遣李驥任回攻釗釗自南秦爲漢嘉太守王載共  
距之戰于温水釗敗績載逐以二郡附雄後驥等  
又渡瀘水寇寧州遜使將軍姚崇襲琛距之戰于  
堂狼大破驥等崇追至瀘水透水死者千餘人崇  
以道遠不敢渡水遜以崇不窮追也怒囚羣帥執  
崇鞭之怒甚髮上衝冠冠爲之裂夜中卒遜在州  
十四年州人復立遜中子堅行州府事詔除堅爲  
南夷校尉寧州刺史假節諡遜曰壯陶侃懼堅不  
能抗對蜀人太寧未表以零陵太守尹奉爲寧州

徵堅還京病卒

晉書  
列傳

五年分牂柯置平夷夜郎二郡

按晉分牂柯夜郎郡史傳所繫年頗不畫一華陽國志曰晉元帝世太守建寧孟才以驕暴無恩郡民王清范期逐出之刺史王遜怒分鬻半爲平夷郡夜郎以南爲夜郎郡而晉書志云永嘉二年分牂柯立平夷夜郎二郡又愍紀建興四年有平夷太守雷炤永嘉建興皆在元帝前何至元帝時始分郡乎然二書並言分郡自王遜遜傳曰遜以地勢形便上分牂柯爲平夷郡云云事施行而遜以永嘉四年毛孟之請乃爲

南夷校尉寧州刺史且道遇寇賊踰年乃至華陽志亦云遜以永嘉元年除授四年乃至則遜至鎮時已是永嘉四五年間又不應二年已分郡蓋晉志二年乃五年之誤宋書志平蠻太守永嘉五年王遜分立可證華陽志云元帝乃愍帝之誤志又于平夷郡下云元帝建興元年置亦愍帝之誤元帝無建興元而有太興所由來矣水經延江水注晉建興元年置平夷郡知謂愍帝也至晉志常書前後異一年者永嘉五年據上形便之時建興元年據下施行爲說始事

成事兩不相妨也

愍帝建興四年夏五月平夷太守雷炤害南廣太守

孟桓北降李雄

晉書本紀

按自此以後至梁平夷事史不復及其及寧州者略書之亦可推見當時情勢

東晉

元帝永昌元年敦以其兄含爲衛將軍自領寧益二

州都督

咸和八年春正月景寅李雄將李壽陷寧州刺史尹

奉及建寧太守霍彪並降之

晉書本紀

李雄遣李壽攻朱提又遣鎮南任回征木落分寧

州之援寧州刺史尹奉降遂有南中之地

晉書載記

奉威刑緩鈍政治不理咸和八年遂爲雄弟壽所破獲南中盡爲雄有惟牂柯謝恕不爲壽所用遂保郡獨爲晉官至撫夷中郎將寧州刺史冠軍將

軍

華陽國志南中志

咸康二年冬十月廣州刺史鄧嶽遣督護王隨擊夜郎新昌太守陶協擊興古並克之

四年秋八月景午分寧州置安州

按宋書志是年分置安州者牂柯夜郎朱提越

嚮四郡

五年春三月乙丑廣州刺史鄧嶽伐蜀建寧人孟彥執李壽將霍彪以降夏四月辛未征西將軍庾亮遣參軍趙松擊巴郡江陽獲石季龍將李閎黃桓等

七年冬十二月罷安州

康帝建元元年夏四月益州刺史周撫西陽太守曹據伐李壽敗其將李恆于江陽

穆帝

按永和三年三月桓温攻降李勢四月蜀人鄧定隗文舉兵反復據成都七月隗文立范賁爲

帝五年周撫朱壽擊獲之

於符置安樂縣

元和部縣志

海西公太和元年夏六月戊子使持節都督寧益二州諸軍事鎮西將軍益州刺史建城公周撫卒

六年三月壬辰監益寧二州諸軍事冠軍將軍益州刺史建城公周楚卒秋八月以前寧州刺史周仕孫爲假節監益寧二州諸軍事益州刺史

按晉未以避桓溫父諱改平夷郡縣爲平蠻宋齊因之

宋



武帝永初元年以督外散騎常侍應襲爲寧州刺史

少帝景平元年省寧州之江陽犍爲安上三郡合爲

宋昌郡

按宋志別有東江陽而無江陽晉江陽舊縣必在宋昌中矣而志不列宋昌符或易名或陷失不可知矣

文帝元嘉五年冬十月辛卯以安陸公相周籍之爲寧州刺史

十五年秋七月甲戌以陳南頓二郡太守徐循爲寧州刺史

十八年晉寧太守樂松子反叛寧州刺史徐循討平之

十九年冬十月己亥以晉寧太守周萬歲爲寧州刺史

二十七年春正月辛未制交寧二州假板郡縣俸祿聽依臺除

三十年八月丁亥以沛郡太守垣閔爲寧州刺史

孝武帝建元元年九月丙申以彊弩將軍尹懷順爲寧州刺史

大明二年八月己丑以彊弩將軍杜叔文爲寧州刺

史

三年夏四月丙午以建寧太守符仲子爲寧州刺史  
四年二月己未以員外散騎侍郎費景緒爲寧州刺  
史

五年八月戊子以北中郎參軍費伯宏爲寧州刺史  
明帝泰始六年戊子奉朝請孔玉爲寧州刺史

後廢帝元徽二年八月辛酉以征虜行參軍劉延祖  
爲寧州刺史

五年春二月壬申以建寧太守柳和爲寧州刺史

宋並

書本紀

順帝昇明二年傅珍假節督寧二州軍事南齊書良史傳

南齊

高帝建元元年五月詔遣使分行四方遣兼散騎常侍十二人巡行以交寧道遠不遣使

武帝永明二年夏四月乙巳以寧朔將軍程法勤爲

寧州刺史

三年秋七月丁亥以驃騎中兵參軍董仲舒爲寧州

刺史

並南齊書本紀魏書高祖紀太和十九年正月

刺史董密田益宗傳益州內附之後蕭鸞遣寧州刺

史追討之官軍進擊執密密字仲舒營陽人太和十

九年當齊明帝建武二年間此十年

十年秋八月丙辰以新城太守郭安明爲寧州刺史  
海陵王延興元年八月庚戌以車騎板行參軍李慶  
綜爲寧州刺史

明帝建武三年五月乙巳以前新除寧州刺史李慶  
宗爲寧州刺史

和帝中興元年三月壬子以征虜將軍柳惔爲益寧

二州刺史

並南齊  
書本紀

按齊書州郡志平蠻郡仍屬寧州惟警作穀邑  
或寫者誤斷警爲二又譌徹爲穀也州屬又有  
宋昌郡屬江陽安上犍爲三縣當卽宋景平元

年以三郡所置後又載永明二年置江陽犍爲  
郡建武置安上郡或卽以三縣爲之耶又益州  
屬郡有東江陽其屬縣有安樂水經注云安樂  
水逕安樂縣界之東元和郡縣志瀘州瀘川縣  
漢江陽縣地晉穆帝于縣置東江陽郡合江縣  
本漢符縣地晉穆帝置安樂縣梁改置安樂戍  
周改爲合江縣安樂山在縣東八十里因取名  
焉是時漢晉之符或盡在此安樂中或宋昌屬  
之江陽亦有其地不可考矣平蠻郡此後亦無  
考州郡志有鎮蠻校尉隸寧州

梁

武帝天監十四年

〔按是年當魏世宗延昌四年魏書紀曰四年二月蕭衍寧州刺史任太洪率眾寇關城益州長史成興孫擊破之〕

大同十一年以徐文盛爲寧州刺史

文盛字道茂彭城人世仕魏爲將父慶之天監初率千餘人自北歸款未至道卒文盛仍統其眾稍立功績高祖甚優寵之大同末以爲持節督寧州刺史先是州在僻遠所管羣蠻不識教義貪欲財

賄劫篡相尋前後刺史莫能制文盛推心撫慰示  
以威德夷獠感之風俗遂改世祖以爲城北都督  
賊污甚多除官爵怨望下獄死

梁書列傳  
南史略同

陳

梁武帝奄有舊吳其後務恢境宇頻事經略開拓  
閩越克復淮浦平俚洞破牂柯又以舊州遐闕多  
有折置旣而侯景構禍臺城淪陷墳籍散逸注記  
無遺郡縣戶口不能詳究逮于陳氏土宇彌蹙西  
亡蜀漢北喪淮肥威力所加不出荆揚之域周氏



初有關中百度草創遂乃訓兵教戰務穀勸農南  
清江漢西兼巴蜀卒能以寡敵眾戡定疆鄰及于  
東夏削平多有省廢高祖受終開皇三年遂廢諸  
郡洎于九載廓定江表尋以戶口滋多析置州縣  
煬帝嗣位又平林邑更置三州既而併省諸州尋  
卽改州爲郡乃置司隸刺史分部巡察隋書地理志  
文帝開皇初置洋州洋柯郡統縣二洋柯帶郡賓化上  
煬帝大業七年置綏陽縣屬明陽郡元和郡縣志  
按本書又云綏陽縣隋大業十二年巴郡丞梁  
粲招慰所置綏陽山在縣北二十九里縣以爲

名其年未詳孰是

八年置寧夷縣屬明陽郡

十一年招慰置義泉縣以帶山泉爲名

並元和郡縣志

按本書爲名下繼之云屬義州當言唐時所屬未必隋已有義州也

十二年招慰置都上縣其處是酋豪首領都集之所

因以爲名

元和郡縣志

唐

高祖武德二年以信安義泉綏陽三縣置義州並置

都牢洋川二縣

唐書

按二縣並屬義州元和郡縣志洋川縣武德二  
年于今縣東北置屬義州貞觀十四年于今理置  
三年牂柯首領謝龍羽遣使來朝以其地爲牂州拜  
龍羽刺史封夜郎郡公

昆明東九百里卽牂柯國也牂柯蠻東距辰州二  
千四百里其南千五百里卽交州也無城郭土熱  
多霖雨稻粟再熟無徭役戰乃屯聚剽木爲契盜  
者倍三而償殺人者出牛馬三十首領姓謝氏至  
龍羽有兵三萬武德三年遣使者朝以其地爲牂  
州拜龍羽刺史封夜郎郡公

唐書南蠻傳

牂州武德三年以牂柯首領訥龍羽也置四年更名柯州初牂爲下州開元中降爲羣屬縣三建安賓化新興建安本牂柯武德二年更名新興與州同置右隸黔州都督府

唐書地理志諸蠻州

按牂州三縣惟新興後置卽隋之牂柯郡而後以割置郎州者說詳建置門

四年明陽郡改夷州

元和志

夷州義泉郡本隋明陽郡地武德四年以思州之

寧夷縣置

寧夷武德四年析置夜郎神泉豐樂綏養雞翁伏

遠明陽高富思義丹川宣慈慈岳十二縣

唐書

十道志曰夷州義泉郡古徼外蠻夷之地漢置牂柯郡歷代恃險不聞臣附隋大業七年始招慰置綏陽縣屬明陽郡唐武德四年置夷州

太平御覽

五年改義州曰智州

六年省雞翁

並唐書

太宗貞觀元年二月分天下爲十道夷州領于江南

道

本通鑑

按是後所置播珍溱所改牢並隸江南是時智未省改當亦同隸

是年廢夷州

元和志

州廢省夜郎神泉豐樂以寧夷伏遠明陽高富思  
義丹川隸務州宣慈慈岳隸涪州綏養隸智州

唐書

四年省都牢

縣本唐書

於黔州都上縣復置夷州

元和志

夷州貞觀元年廢四年復以黔州之都上縣開南

蠻置

唐書

五年以廢邠州之樂安宜林芙蓉瑯川隸智州

唐書

按邠州未詳何時置廢當卽在是年而元和郡  
縣志云貞觀五年置芙蓉縣在芙蓉山上因爲

名後移于山東三里唐志亦云芙蓉貞觀五年置隸邠州廢置不應併在一時俟考

六年復置雞翁縣屬夷州

九年以隋牂柯郡之牂柯縣置郎州

恭水縣貞觀元年以牂柯地置並置高山貢山柯盈邪施釋鸞五縣及郎州廢縣亦省

並唐書

按元和郡縣志貞觀元年于牂柯北界置郎州元 職誤今改州與唐志恭水貞觀元年置元並九之譌志云九年置郎州元和志帶水縣下亦云九年置柯盈縣屬郎州元作朗今改州太平御覽引十道志

亦言九年置郎州故知元誤字也又明統志云  
貞觀初置郎州孫陳二志並云貞觀三年分牂  
柯北界置郎州領恭水等六縣又開山洞置播  
川鎮其年並誤置播川鎮見後

十一年以高富屬夷州改智州曰牢州徙治義泉

唐志

十道志曰牢州定川郡本巴蜀西南徼外夷秦屬  
象郡漢屬牂柯郡唐置義州改爲智州貞觀十一  
年改爲牢州以牢石爲名

太平御覽

按元和志云武德中于義泉縣置牢州恐誤

廢郎州縣亦省夷州徙治綏陽



十三年復置郎州改名播州

復置州唐書復置縣唐書

十道志曰播州秦夜郎縣之西南隅惠王

十四年復置郎州唐書地以武關之外易之今隸黔

府卽總謂焉漢書漢武帝平西南夷置牂柯郡其

地屬焉漢書此界置郎州後省十三年又

于其地置富庶播州播川因名焉太平御覽

十四年更恭小曰羅蒙高山曰舍月貢山曰湖江柯

盈曰帶水邪施曰羅爲釋鷲曰胡刀唐書

帶水因縣北有帶水爲名元和

十六年更羅蒙曰遵義

置珍溱二州

珍州管縣三夜郎麗皋樂源並十六年開山洞與  
州同置三縣並在州側近或十里或二十里隨所  
畚種田處轉移不常厥所

溱州本巴郡南境十六年有渝州萬壽縣人牟智  
才上封事請于西南夷竇渝之界招慰不庭建立  
縣至十七年置以南有溱溪水爲名管縣二榮懿  
扶觀通典新舊唐書宋史  
並作扶歡與志異十六年與州同置扶觀

以縣東扶觀山爲名

並元和志

溱州縣榮懿貞觀十六年置並置扶歡樂來二縣

唐書

十道志曰珍州夜郎郡古山獠夜郎國之地貞觀十七年廓闢邊夷置播川鎮後因川中有降珍山因以鎮爲珍州取山名郡也溱州溱溪郡古蠻夷之地貞觀八年開拓南蠻于榮懿縣立溱州地多貢象牙後或爲溱溪郡

太平御覽

按十道志載置二州年不與唐書元和志相應俟考又通典載珍州屬縣尙有榮德不知何時所省又按元和志載夷播珍溱並江南道黔中

觀察使管

廢牢州省綏養樂安宜林以綏陽義泉洋川屬夷州  
芙蓉瑯川隸播州

唐書

按元和志云十七年牢州廢以義泉屬夷州後  
唐書一年

高宗永徽

永徽後省雞翁高富

唐書

顯慶五年省舍月湖江羅爲

唐書

按唐志言省于遵義縣下當入遵義也

咸亨元年省樂來

唐書

按唐志言省在榮懿下

中宗嗣聖七年

武后天授元年十月辛未貶邢文偉為珍州刺史

十二年

武后天冊萬歲元年一月戊子貶杜景佺為溱州

刺史並唐書

按通鑑書景佺事作景儉

景龍元年以播州為都督府

黔州都督府貞觀四年置總務施業辰智祥充應

莊元州聖曆九年罷都督府景龍二年又罷莊州

都督府復以播州爲都督府

元和志

元宗先天二年罷播州都督府復以黔中爲都督府

同上

開元二十五年復以寧夷屬夷州

二十六年省瑯川胡力入芙蓉

唐書

又于黔中置採訪處置使又隸五溪諸州入黔中道

仍加置經略使

元和志

按本書云黔州今爲黔州觀察使理所夷珍濠

播並所管州則採訪處置經略使自亦並管諸

州也觀察使置年未詳

天寶五載春正月貶皇甫惟明爲播州太守

通鑑輯覽

初太子之立非李林甫意恐異日爲己禍欲搖動

之隴右節度使皇甫惟明嘗爲忠王友

太子先時封忠王

破吐蕃入獻捷見林甫專權勸上去之林甫知之

使楊慎矜密伺其所爲會正月望夜太子出遊與

韋堅相見

堅爲太子妃兄

堅又與惟明會于景龍觀慎矜

遂告堅與惟明謀立太子收下獄林甫使慎矜等

鞫之上亦疑堅與惟明有謀而不顯其罪皆貶之

按孫志云是年改播州縣爲播川郡明統志亦

云天寶中播州改播川郡乾元初復爲播州

六載春正月殺皇甫惟明

李林甫奏分遣御史賜皇甫惟明韋堅等死

並同上

按唐書本紀云五載七月殺播川郡太守皇甫惟明年月有異

開元中牂柯以趙氏爲酋長其裔趙國珍天寶中有戰功閣羅鳳叛宰相楊國忠兼劍南節度使以國珍有方略授黔中都督屢敗南詔護五溪十餘年天下方亂其部獨寧終工部尙書

唐書南蠻傳

憲宗元和三年廢珍州縣皆屬溱州

本唐書

四年閏月己酉以旱禁刺史境內權率諸道旨條外



進獻黔南黔中福建掠良民爲奴婢者

六年閏月辛卯辰澱州首領張伯靖反寇播費二州  
八年四月巳亥黔中經略使崔能討張伯靖五月癸  
亥荆南節度使嚴綬討張伯靖七月巳巳劍南東川  
節度使潘孟陽討張伯靖八月辛巳湖南觀察使柳

公綽討伯靖丁未伯靖降

並唐書紀

元和中辰澱蠻酋張伯靖嫉本道督斂苛刻聚眾  
叛侵播費二州黔中經略使崔能湖南觀察使柳  
公綽討之三歲不能定伯靖上表請隸荆南乃降  
崔能內恨之更請調荆南湖南桂管軍爲援約西

原十洞兵皆出可以成功公卿議者皆以爲便宰相李吉甫曰伯靖挾怨而叛壓以大兵而招之可不戰自定乃命能兵無出獨詔嚴綬招伯靖率家屬詣江陵降

同上南蠻傳

按貴州通志書辰敘蠻寇播費在天寶六年誤宣宗大中十三年冬十一月南詔僭號寇陷播州

初韋皋開清溪道以通羣蠻使入貢又選羣蠻子弟聚之成都教以書數以羈縻之既而軍府厭于廩給又蠻使入貢利于賜與所從僉人浸多杜悰奏減其數南詔豐祐怒入貢不時頗擾邊境豐祐

死子酋龍立朝廷以名近元宗諱遂不行冊禮酋

龍乃自稱皇帝改國號大禮遣兵陷播州

通鑑綱目

舊紀實錄今年皆無陷播州事惟新紀有之實錄

咸通六年三月盧潘奏云大中十三年南蠻陷播

州補國史曰雲南自大中初朝貢使及西川質子

子人數漸多節度使奏釐革減省有詔許之錄詔

報雲南雲南回牒不遜新南詔傳曰朝貢歲至從

者多杜棕自西川入朝表無多內蠻僭豐祐怒卽

謾言索質子蓋謂蠻子弟學成都者也按杜棕以

咸通二年七月入朝而豐祐大中十三年已死則

建議減蠻徭者必非棕人朝後事新傳誤也通鑑考異

十三年雲南蠻陷播州唐書大中時李琢爲安南

都護府苛墨自私以斗鹽易一牛夷人不堪結南

詔陷安南都護府然南詔朝貢猶歲至杜棕自西

川入朝表無多納蠻徭豐祐怒卽漫言索質子會

宣宗崩使者告哀是時豐祐亦死坦綽酋龍立志

朝廷不弔卹又詔書乃賜故王以草具進使者而

遣遂僭稱皇帝建元建極自號大禮國懿宗以其

名近元宗嫌諱絕朝貢乃陷播州同上南蠻傳

按楊升菴南詔野史云大中己卯南詔豐祐陷

播州咸通庚辰南詔世隆唐書作龍絕朝貢寇播

州與史不應豈別有據歟

懿宗咸通元年十月安南都護李鄴克播州唐書紀

安南都護李鄴殺蠻酋杜守澄已而鄴越境收取

播州通鑑輯覽

播州屬黔中道大中十三年爲雲南所陷此非安

南道屬也李鄴越境收復欲以爲功而不知蠻兵

乘虛已陷安南也通鑑注

僖宗乾符初年太原楊端應募取播州克之授安撫

使孫陳志

南詔陷播李鄴復之尋仍爲所陷乾符初太原人

楊端應募領兵復之世爲州刺史

貴州通志

按楊端復播唐宋史皆未書而見元明兩史端授安撫使及世州刺史未詳所據考宋史諸蠻傳云唐季之亂蠻酋分據其地自署爲刺史明統志云播州唐末沒于蠻疑州刺史者得之又按黃震古今紀要僖宗相蕭遘斥播州道三峽白帝呵之考遘傳云遘貶播州司馬則是時尙有流官也

五代

按孫陳二志川貴兩通志並云乾符初楊端復播州自後王建孟知祥相繼據其地考五代史職方考載前後蜀所有州珍播溱夷皆不之及前蜀世家唐乾寧三年五月昭宗詔建罷兵還成都黔南節度使王肇以地降于建四年遣王宗侃宗阮等取渝瀘州建自將攻東川昭宗詔建罷兵不奉詔乃賁授建南州刺史天復三年八月唐封建蜀王七年時昭宗改元天祐已四年西川隔絕不知仍稱天復建卽皇帝位是年唐子衍嗣後唐同光三年降唐後蜀世家梁明宗四年二月制以知祥檢校

太尉行成都尹劍南東西兩川節度管内觀察  
處置統押近界諸蠻安撫制置等使又冊封知  
祥蜀王明年卽皇帝位志所謂相繼據其地豈  
卽在降黔南取渝瀘及統押近界諸蠻中耶意  
自唐末來珍播漆夷悉爲蠻酋所據朝廷以其  
邊遠不復問及前後蜀以大國稱帝受其統制  
理所必然特未能復疆理而州縣之故史不及  
耳又考夷播等州在晉高祖時附楚史世家有  
明文而職方考不載諸志皆失之引見後

晉天福五年春二月楚平羣蠻

通鑑輯覽



楚馬殷子希範襲殷官爵封楚王天福四年加天  
冊上將軍承制如殷故事溪州刺史彭士然率錦  
獎諸蠻攻澧州希範遣劉勅劉全明等以步卒五  
千擊之士然大敗勅等攻溪州士然走獎州遣其  
子師鬻率諸蠻酋降于勅溪州西接牂柯兩林南  
通桂林象郡希範乃立銅柱爲表命學士李皋銘  
之于是南寧州酋長莫彥殊率其本部十八州都  
雲酋長尹懷昌率其昆明等十二部牂柯張萬濬  
率其夷播等七州皆附于希範

五代史楚世家  
宏簡錄略同楚亡

于周廣  
順元年